

ԼԵՎՈՆ ԽԱՉԻՅԱՆ

ՍՅՈՒՆԱՑ ՕՐԲԵԼՅԱՆՆԵՐԻ ԲՈՒՐԹԵԼՅԱՆ ՃՅՈՒՂԸ

XIV—XV դարերում պատմական Հայաստանի Սյունյաց նահանգի մի շարք գավառների աշխարհիկ ու հոգևոր իշխանությունը կենտրոնացված էր Օրբելյան ֆեոդալական գերդաստանի Բուրթելյան հյուսիս հյուսիս պաշտպանների ձեռքում¹:

Շուրջ երկու հարյուրամյակ, սկզբից սրպես Սյունյաց մի շարք գավառների հզոր տիրակալներ, իսկ այնուհետև սրպես նույն աշխարհի տարրեր մասնորոշ սրոշ կալվածքներ ունեցող սակավազոր ավատատերեր կամ հոգևոր առաջնորդներ՝ XIV—XV դարերի սկզբնաղբյուրներում հիշատակվում են Օրբելյանների Բուրթելյան հյուսիս սերված տասնյակ ներկայացուցիչներ: Առայսօր, սակայն, այդ տվյալների բաղդատական ուսումնասիրությամբ դեռևս չի ստեղծված ֆեոդալական այդ գերդաստանի հյուսիսգրությունը՝ ժամանակագրական վստահելի հիմքով:

Առաջին փորձն այս ուղղությամբ կատարել է հայագիտության մեծ երախտավոր Ղ. Ալիշանը²: Երկրորդ փորձը, շատ ավելի հարուստ նյութերի հիման վրա, քսա իր հավաստման, կատարելու էր Գ. Հովսեփյանը՝ Օրբելյանների մասին գրելիք իր ուսումնասիրության մեջ³: Նրա անտիպ գործերի շարքում հիշատակված է նաև Օրբելյան իշխանության մասին անավարտ մի երկ, որի մեջ, թերևս, տրված է նաև Բուրթելյան գերդաստանի առհմագրությունը. ցավոք այդ ձեռագիրը աշխատությունը անմատչելի է մեզ:

Ալիշանի «Միտականում» տպագրված առհմածագը, մեզ հետաքրքրող իր մասով, այսպիսի տեսք ունի (տե՛ս հաջորդ էջ):

XIV—XV դարերի հայերեն ձեռագրաց հիշատակարանների և վիճական արձանագրությունների վերջին տարիներն կատարված հրատարակությունների մեջ ամբարված են բազմաթիվ տվյալներ ու ակնարկներ, որոնք հնարավորություն են ընձեռում վերանայելու Ղ. Ալիշանի խիստ թերի առհմածագը և կադմելու Բուրթելյան գերդաստանի շատ ավելի ամբողջական ու ստուգատեսական ժամանակագրական պատմությունը: Այդ աշխատանքը, անշուշտ, ինքնանպա-

1 Ժամանակակից հիշատակարաններում Օրբելյանների այդ հյուսիս կոչվում է «Տաճ Բուրգելի» (ԺԳ դարի հայերեն ձեռագրերի հիշատակարաններ, էջ 360), «Տաճ Բուրթելիանց» (ՓՆ դարի հայերեն ձեռագրերի հիշատակարաններ, I, էջ 194, II, էջ 194), «Պոսթելիանց դարմ» (ՓՆ, I, 258), «Բուրթելիանց ազդ» (ՓՆ, III, էջ 147) և այլն:

2 Ղ. Ալիշան, Միտական, Վենետիկ, 1893, ներդիր 92—93-րդ էջերի միջև:

3 Գրաբգին աբխազիսկոպոս Հովսեփյան, Խաղբակյանք և Պոսթյանք Հայոց պատմության մեջ, մասն առաջին, Երևան, 1928, էջ IV—V: Ս. Սիմոնյան, Գրաբգին կաթողիկոսի բաժնատիրական պատմակը, «Հասկ», 1952, էջ 253:

տակ չէ. հիշյալ դարերի հայ քաղաքական ու մշակութային կյանքի շատ իրողություններ անըզում են Սյունյաց աշխարհի հետ, և շատ անցուղարձերի ժամանակագրությունը ազերաված է սերտորեն Սյունյաց այս կամ այն իշխանի ու եպիսկոպոսի ամրակալության տարիներին: Ըստ այդմ՝ Բուրթելյան գերդաստանի տոհմածառն ու ժամանակագրական պատմությունը, անտարակույս, իր դույզն նպաստն է բերելու վերահիշյալ ժամանակաշրջանի Հայոց պատմության ամրոզական ուսումնասիրությանը:



Ահա այս ակնկալությամբ, մանրակրկիտ քննություն կատարելուց հետո, նախքան ի մի ենք բերում մեզ հայտնի բոլոր կարևոր վկայությունները Բուրթելյան գերդաստանի պաշազատների մասին: Քիչ թե շատ նշանավոր անձանց կյանքի գրություններին նվիրել ենք առանձին ամփոփ հաավածներ, Բուրթելյանների պատմությունը, քնականաբար, սկսելով այդ գերդաստանի հիմնադրի կյանքի համառոտ տարեգրությամբ:

ԲՈՒՐԹԵԼՆ ՕՐԲԵԼՅԱՆ

Բուրթելը՝ Տարսաշիճ Օրբելյանի թոռն է, Էլիկումի որդին, անվանի պատմիչ և Սյունյաց մեարդադուխտ Ստեփանոս Օրբելյանի եղբորորդին:

Սյունիքում ու նրա սահմաններից դուրս Բուրթելը, որպես Սյունյաց մեծ իշխան, հիշատակվում է 1306—1344 թվականներին: Առաջին անգամ նրա անունը գտնում ենք 1306 թ. Սարգիս գրչի եղեգիտում շարադրած հիշատակարանում (ԺԴ, 42)⁴, իսկ վերջին անգամ՝ Նորատուշի 1344 թ. վիճական մի տրձանագրության մեջ:

Ժամանակակիցները Բուրթելին մեծարում են շատն տիտղոսներով. «մեծ ամիր» (ԺԴ, 100), «մեծ կոմս և կողմնակալ» (ԺԴ, 117)», մեծ քրիստոսազալ»

⁴ Այստեղ և այսուհետև ամենուրեք մեր կազմած «ԺԴ» դարի հայերեն ձեռագրերի հիշատակարաններ» (Երևան, 1950 թ.) ժողովածուն վկայակոչում ենք «ԺԴ» համառոտագրությամբ՝ շարադրանքի մեջ և ո՛չ առղասակա՛մ: Նույն ձևով՝ XV դարի հիշատակարանների հայտնի հատորները՝ ԺԵ, I, ԺԾ, II և ԺԵ, III համառոտագրությամբ:

իշխան» (ԺԴ, 167), «մեծ իշխանաց իշխան տանա Սիւնեաց», «չաղթող սպա-
յապետ» (ԺԴ, 182), «Հայոց Մեծաց թագազարմ ժառանկ՝ տէր տանն Սիւա-
կաջ՝ մեծիմաստ պարոն» (ԺԴ, 292), «մեծ սպարապետ Հայոց և Վրաց՝ թագա-
զարմ իշխան» (ԺԴ, 297), «հիւպատոս և սպարապետ Հայոց» (ԺԴ, 328) և այլն:

Շաալյորեն մասնատրված այս բնույթի տիտղոսները, իհարկե, հնարա-
վորութիւն չեն ընձեռում ճշգրիտ որոշելու այս կամ այն գործչի քաղաքական
ու տնտեսական կշիռն իր ապրած ժամանակաշրջանում: Սրանք, այնուամե-
նայնիմ, ցուցանիշ են այն իրողութեան, որ մոնղոլական իլլամնութեան վերջին
սասնամայակներում Մյունխաց իշխանաց իշխան ամիր Բուրթելը ազդեցիկ դիրք
էր գրաւում: Մի հիշատակարանում ասված է, որ նա «առաջի աշխարհակա-
լացն մեծարեալ և բազում ընծաիւք պատուեալ» էր, և որ 1307 թվականին իր
զորքերով (Զեաւր Օրբելյանի հետ միասին) մասնակցել է Խարբանդա խանի
զեպի Գիլանի կողմերը ձեռնարկած մի արշավանքին, որից «խաղաղութեամբ»
տուն է գարձել՝ բայց կորցրել է իր զորքի մի մասը («բայց զօրացն պակաս
մնացին»⁵):

Իր իշխանութեան տարիներին Բուրթելը մասնակցել է նաև այլ պատե-
րազմների, վաստակելով «քաջի և միշտ յաղթողի» համբավ⁶:

Ժամանակակից աղբյուրներում ավյալներ կան նաև Բուրթելի զորահրա-
մանաւորի՝ Շահուռեցի Վահրամ իշխանի որդի Ամատա զորավարի մասին
(մեռել է 1349-ից առաջ), որ տեղ էր կարգված Վայոց ձորում գանձող Նրերան
(Հերհեր), Վանք և Քալատակ կոչվող բնակավայրերի (ԺԴ, 376): Տեղեկաթիւն
ունենք նաև Բուրթելի նաչիպ (հավատարմաւոր) կոչված ոմն Ալինախ իշխանի
մասին, որը հիշատակված է միջնադարյան ուշադրով մի գրույցի մեջ⁷:

5 «Բաղմամէպ», 1942, № 9—10, էջ 216—217:

6 Մատենադարան, ձեռ. № 4515, էջ 81:

7 Տե՛ս ն. Մատ. ժողովածոյը առանց Վարդանայ, մասն Բ, Ս. Պետերբուրգ, 1894, էջ 343—
344: Զգալի տարբերութիւններ ունի տաղադրվածից եւլյն գրույցի Մատենադարանի № 8076 ձե-
ռագրում ընդօրինակված փոփոխակը, որ բերում ենք ստորև. «Պարսն Բուրթելն յաւոր միւսմ
զեւոյր զօրօն ի Էանապարհ, և երկց մի աշխարհի պատահեալ ի հանապարհին: Եւ իջեալ ի
ձիոյն՝ հանգերձ զօրօն: Համբուրեցին զաջ քահանային: Եւ նաչիպն Ալինախ անուն արանջաց
պարտնին: Եւ նա զաղա պատուէր եա, զի մի կերեսցեն և թաղեսցեն զընտանիս նորա: Մեաա
որդին և ոչ թաղեսցին զնա: Եկն առ Բուրթելն և նա ասէ. «Ես և դու գնամք, թաղեմք զնա: Եւ
նա ասէ. «Ելլո՛ւ անհնար էս: Եւ նա ասէ. «Բայց դու այն օրն էր տրտեղեցիր՝ յորժամ զքահա-
նայն պատուեցիր: Վասն այսորիկ պատուի՝ զքահանայն պարա է՝ միջնօրդ հաշտութեան առ
առտուած» (ձեռ. № 8076, էջ 72ա):

Բուրթել Օրբելյանի մասին կան նաև այլ գրույցներ, որոնք ուշադրով են օրոքեա պատմա-
կան նշանավոր անձնավորութիւնների շուրջ հյուսված զվարճախօս պատմութիւններ և վկայում
են Մյունխաց այդ իշխանի ժողովրդականութեան մասին: Ավելորդ չենք համարում ներկայացնել
նաև գրանք՝ քաղելով Մաշտոցյան Մատենադարանի № 2226 ձեռագրից:

— «Վարդապետ մին զովեցին մօտ պարոն Բուրթելն, թէ յոյժ համբերող է: Ասէ՛ ռհնացէր,
բերէր, որ փորձեմ»: Երբ ի գունն երեկ, ահաա զնա, ասէ. «Նրթ ի բաց, յիմար և շէթ»: Եւ նա
լուսթեամբ ի բաց զնաց: Գարձեալ ասէ. «Վարդապետ, եկ, վարդապետ, եկ»: Եւ զարձեալ եկն
առ իշխանն: Ասէ. «Վարդապետ, զայդ ուստի պիտէիր համբերել: Ասէ. «Պարսն, զայդ ի շանէն
եմ ուսիր, զեւ ի զոռց շատ բան գիտեմ»: Եւ պարսնն յոյժ սիրեաց զնա»:

— «ԶՏիրատուր վարդապետն ի պաշտօն տարան և այն օրն հաց մոտացան տալ ուսուցիչ:
Երեկոյին ժամուն տարան ի տուն: Ասէ՛ պարոնն (Բուրթել)՝ «Վարդապետ, բանի՞ տարոյ ես»:
Ասէ. «Եւ. (40) տարայ, պակաս մի օրս: Ասէ. «Մէկն է՛ր է պակաս»: Ասէ. «Յոս այս, որ քաղցած
պահեցեր, ժամանակի կարգ ոչ էօ» (ձեռ. № 2226, էջ 59ա—59բ, հմմտ. նաև Ղ. Ալիշան, Սիւա-
կան, էջ 127):

Մեծարվել է Բուրթելի իշխանը նաև որպես բարեպաշտ մի անձնավորություն, որ «էր խոտակրօն ցայգաշան և գիշերավաստակ ծնրագրող, առաւելք քան զմիանձունս բարանձաւաց»⁸։ Եղեղիսի նորվանքում կառուցել է Բուրթելաշեն կոչվող հոյակապ եկեղեցին՝ հայ միջնադարյան ճարտարապետության գահարհերից մեկը, որի է տվել ու շքեղ դարձրել ձեռագրեր⁹։

Գլխավորյան համալսարանի բարունապետ Եսայի Նշեցին, 1323 թվականին պրած մի հիշատակարանում, մեծարում է Բուրթելին ու նրա սրգինների և հայտնում, որ նրանց առատարաշխությամբ՝ «չսլով շինութին և խաղաղութին գործեցաւ մեզ և ամենայն եկեղեցեաց Քրիստոսի», և որ՝ «ի հասարակախնամ բարեաց սոցա ընդ ամենեւեան և մեր՝ մեր աշակերատար՝ բազում և անթիւ գութս գտար ի սոցանէ» (ԺԴ, 182—183)։

1306—1315 թթ. Եղեղիսում շարադրված հիշատակարաններում Բուրթելի կոչքին, որպես տեղի տեր, հիշատակվում է նրա եղբայր Բուդոս (կամ Թուդոս) իշխանը, որը, սակայն, երիտասարդական հասակում՝ «չեա յուրվ քաջ մրցմանց արդախոցեալ գանթառամն ընկալաւ պսակ», աչինքն՝ սպանվեց (1318 թվականին)։

Բուրթելի մահվան ստույգ թվականը չգիտենք. վերջին անգամ, որպես ապրող անձնավորություն, հիշված է 1344 թ., մեռած էր արդեն 1348-ին։ Այդ թվականին շարադրված մի հիշատակարանում ստված է. «Փսխեցելոյն առ Քրիստոս չոչն ամենեցուն պարսն Քրիստին» (ԺԴ, 369)։

Բուրթելի կինն է Վախախ իշխանուհին, որ հավանաբար Մարի Դոփյան կոչվող դերդաստանից է սերում։ Բուրթել ու Վախախ ամուսիններից ծնված դավաններն են՝ Բեշքենը, Իվանեն ու Մամեղը, որոնք միասին հիշատակված են 1344 թվականին նորաստեղծ գտնվող վրձնական մի արձանագրության մեջ¹⁰։

Մամեղը (իմա՝ Մամուկ)՝ եղբայրներից կրտսերն է, մեռած լինելով պատանի հասակում՝ չի հիշատակված այլ աղբյուրներում, իսկ Բեշքենի և Իվանեի մասին կան բավարար տեղեկություններ։

ԲԵՇՔԵՆՆ ՈՐԳԻ ԲՈՒՐԹԵԼԻ

Անտարակույս՝ Բուրթելի ավագ սրգին է. հիշատակագիրները, ամենաերի, նախ սրա անունն են տալիս և նոր միայն Իվանեի։ Առաջին անգամ հիշատակվում է Աբիա գյուղի եկեղեցու արձանագրության մեջ (1322 թ.) և ապա՝ Եսայի Նշեցու կողմից՝ 1323 թվականին (տե՛ս վերը)։

1337 թվականին Բեշքենը գտնվում էր իլդանության կենտրոններում՝ Թավրիզում և Սուլթանիայում՝ դինվորական ժառանգության մեջ։ Այս քաղաքներում Բեշքենի պատվերով նշանավոր գրիչ Ավագն ընդօրինակեց փառահեղ մի ավետարան, որ նա վաղումեռիկ իր տիկնոջ՝ Փաշայի հիշատակին նվիրեց Տաթևի վանքին (ԺԴ, 232)։ Զեռացրի հիշատակարանում Ավագը Բեշքենին կոչում է «մեր տէրն ըստ մարմնոյ» և մեծարում նրան՝ «Հայոց Մեծաց թագազարմ ժառանգ, տէր տանն Սիսակալ, մեծիմաստ պարտնաց պարսն» ախա-

⁸ Մաշտոցյան Մատենադարան, ձեռ. № 4515, էջ 81—82։

⁹ Տե՛ս «Բաղմավէպ», 1947, № 9—10, էջ 216—217։

¹⁰ Ղ. Ալիշան, Միտական, էջ 47։

զոսնեբում: Այստեղ հիշատակվում է նաև Բեշքենի մանկահասակ, որդի էլիկումը:

Ուշագրավ են Բեշքենի և Իվանեի մասին Սարգիս մեարտադրի 2-րդ շարադրած տաղերը՝ 1337 թ. հիշատակարանում, այնտեղ ասված է, որ արանք ամեն բանով նման են իրենց բարեպաշտ հորը՝ Բուրթել իշխանին՝ «խաչականութեամբ և մատակարարութեամբքն զաշխարհս և զգօրս, նաև յառաջագէմ յարութնիս և մեծափառ, զի մեծաբանս արար տէր երեսաց սոցա»¹¹:

Վերջին տեղում Բեշքենը հիշատակված է 1349 թվականին՝ որպես «քաջ և տարափար Հայոց, աստուածասէր և բարեպաշտ իշխանաց իշխան» (ԺԴ, 375): Երբ է կնքել իր մահկանացուն, չգիտենք:

Բեշքենի որդի էլիկումի մասին տվյալները խիստ աղքատիկ են: 1337 թվականին Ավագ գրիչը հիշատակում է նրան, որպես «նորաբոյս սակերողքոջ աստուածատուր հարազատ, ծիրանածին և բարենշան զառակ» (ԺԴ, 292), որը որք էր մնացել մորից և դաստիարակվում էր, հավանաբար, իր պապ Բուրթելի և տատ Վախախի խնամածությամբ:

Երբ Օրբելյանների սպարապետ Ամատա Շահուսեցին վախճանվեց երեսուսարդ հասակում, թողնելով միայն մի զուտոր՝ Նաթիլ անունով, Բուրթելն ու Վախախը Շահուսեցի իշխանների ափրույթների ժառանգ այդ դեռատի օրիորդին ամուսնացրին Բուրթելի որդի էլիկումի հետ, որ 1349 թ. հիշատակարանում (ուր խոսվում է այդ ամուսնության մասին) կոչված է Կուկա («զորդի Բեշքենայ՝ զԿուկայն»): Գիտենք արդեն, որ Բեշքենն ուներ միայն մեկ որդի, ուստի գծվար չէ հեռեցնել, որ Կուկա անունը էլիկում անվան փաղաքշտկան ձևն է:

Այդ, այս ամուսնությամբ Բեշքենի որդի էլիկումը ժառանգեց Ամատա Շահուսեցու (Նաթիլի հանդուցյալ հոր) կալվածքները և իր պապի կողմից կարգվեց «տէր հայրենեաց Վահրամայ սրդոյ Շահուսեցոյն՝ նրերան և Վանացն և Քալատակին և այլ հայրենեացն ամենայնի» (ԺԴ, 376): Այս դեպքերը կատարվել են 1344—1348 թվականներից առաջ, երբ դեռ ողջ էին Բուրթելն ու Վախախը:

Ինչքան են աղբիւ ու ախիւ իրենց կալվածքներին էլիկումը (Կուկան) և Նաթիլը, չգիտենք: Նրանց մասին որևէ այլ տվյալ չեն հազարգում ժամանակակից աղբյուրները: Ըստ այդմ կարծում ենք, որ շատ կարճատև է եղել նրանց կյանքը, և հեռացել են աշխարհից՝ անհիշատակ:

ԻՎԱՆԵ ՈՐԴԻ ԲՈՐԹԵԼԻ

Բուրթելի երկրորդ որդուն՝ Իվանեի անունը սկզբնաղբյուրներում աստուգարձված ենք գտնում տարբեր ձևերով՝ Իւան (ԺԴ, 303), Իւանէ (բազմիցս), Իվանի («Սիսական», 96), Իվանիկ (ԺԵ, II, 317, «Սիսական», 47), Ինանիկ (ԺԵ, I, 87, 656, «Սիսական» 96), Նանիկ (ԺԴ, 567): Բարեբախտաբար, գրեթե ամենուրեք, նա հիշատակված է կամ իր հոր ու ավագ կզրոր հետ միասին, կամ իր որդիների ու թոռների տանջությամբ, ուստի գլուրությամբ որոշվում է, որ տարբեր ձևերով գրի առնված այդ անվան տակ ժամանակակիցները նկատի են ունեցել նույն անձնավորությունը՝ Բուրթել իշխանի Իվանե որդուն:

¹¹ Նրատաղիւմ, ձևս. № 1033, էջ 62, հմմտ. ԺԴ, 292:

XIV դարի առաջին տասնամյակներին, սակայն, Սյունիքում ապրել է նաև մի այլ Իվանե իշխան՝ տեր Որոտան գավառի: Եվ ահա մինչև Իվանե Բուրթլյանի կենսագրականին անցնելը անհրաժեշտ է տարբերակել համանուն այս իշխաններին¹²:

Նախ, անգրագաստանք Որոտանի տեր Իվանեին:

Այս անձնավորության և նրա գերդաստանի մասին ամենաազդարավ տվյալները գրանցված են 1337 թվականին ընդարինակված մի Սաղմոսարանի հիշատակարանում, որ ստացել է հենց այս Իվանեի եղբայր՝ Սյունյաց մետրոպոլիտ Սարգիս Խախիսյոսը՝ «չիշատակ անջինջ իւր և ծնողաց իւրոց՝ հօր իւրոյ Հասանայ, որ էր յազէ և յազնէ մեծափառ իշխանաց տանս Սիւնեաց, և մօր իւրոյ տիկին Վախախին, և եղբօրն իւրում՝ պաշաղտափ և քաջազօափ դամբի Իվանէի, որ էր ամիրա և պեա երկրին Որոտան, և եղբօրորդոյ իւրոյ՝ կուրովամբա սրբազան նորընծա քահանայի Յովաննիսի... նայ և եղբարց սարին հարազատաց և հակաչաղօրու հաստարազով մանկաուոցն՝ Հասանայ և Զաքարէի, և ամենայն տրեան մերձաւորաց»¹³:

Այս արժեքավոր տվյալները հավաստվում և լրացվում են Իվանե իշխանի գուստր և Օրբելյանների սպարապետ Ամատա Շահաւեցու տիկին՝ Թուղթանի իշխանուհու հիշատակարանով, որ շարադրված է 1349 թվականին: Այնտեղ ասված է. «Արդ, ես՝ անարժան Թուխթանի, գուստր Իւանէ Որոտան իշխեցողի, բոլր քաջ քարտուղարի և երջանիկ քարունապետի Յովաննէս վարդապետի, հարան մեծ Շահաւեցեանց, կենակից հօտար և մեծ իշխանին Ամատին շինեցի պնդեալն ժամատունս... չիշատակ ինձ, և առն իմում Ամատին... և դաւակին իմ նախնիքն, և հաւր իմ Իւանէ, և մաւր իմ Տիկնանց-Տիկնայ, հարազատ եղբարց իմոց Հասանայ և Զաքարէի, և ամենայն տրեան մերձաւորաց» (ԺԴ, 375):

Որոտան գավառի հին տվատատերերի այս գերդաստանի մասին ավելի ազդատիկ տվյալներ կան նաև ձեռագրաց այլ հիշատակարանների մեջ, գրանցված մեծանուն գիտնական ու մանկավարժ Հովհան Որոտնեցու կապակցութեամբ, որը ըստ վերահիշյալ աղբյուրների և քաղմաթիվ այլ վկայութեւնների, սրդին էր «քաջի Իվանէի՝ Որոտան իշխեցողի» (տե՛ս օրինակ, ԺԴ, 497, 520): Թովմա Մեծոփեցին ևս հաչանում է, որ Հովհան Որոտնեցին ծննդյամբ էր «ի պատուէն Որոտնոյ, ի պեղջէն Վազանգնայ՝ սրդի մեծի իշխանին Իվանի, որ էր ի վարմէ առաջին իշխանացն Սիւնեաց, յորմէ Վասակն էր»¹⁴:

Այս գերդաստանի տոհմագրութեանը ըստ վերահիշյալ տվյալների՝ հնագույն դարերից է գալիս, նրանք սերված են համարվում Սյունիքի հին ու բնիկ իշխաններից: Սակայն, ցավօք, հանվանե հիշատակվում են միայն Հասանը (կինն է՝ Վախախ), նրա սրդիները՝ Սարգիս Խախիսյոսն ու Իվանե իշխանը (կինն է՝ Տիկնանց-Տիկին), և թուները (Իվանեի զավակները)՝ Հովհան Որոտ-

¹² Այդ աշխատանքը առ այսօր չի կատարված, և ինչպես այլ բանասերներ, այնպես էլ մենք (սԺԴ դարի հայերեն ձեռագրերի հիշատակարանները ծաղրվածափ անձնանունների ցանկի մեջ և այլուր), չմոխել են սրպես մի անձնավորութեան ենք ներկայացրել Իվանե անունը կրող այս երկու իշխաններին: Դրանց տարանջատման գործում մեզ օգնել է Ա. Մնացականյանը, որին հալածում ենք շնորհակալութեամբ:

¹³ Երասուղեմ, ձեռ. № 1033, էջ 61—62 (ՏԵ՛ս նաև «Սիւն», 1863, № 3, էջ 192, 1928, № 9, էջ 275—278):

¹⁴ Թ. Մեծոփեցի. Պատմութիւն Լանկ-Յամուրաշ, 1860, Փարիզ, էջ 14:

նեցին, Հասանը, Հաքարեն և Թուղթանին, և այս վերջինի գաւառը՝ Նաթիլ իշխանուհին:

Հասան իշխանը, հայրը լինելով Սարգիս մեարտադարի (որ արգեն 1326 թվականին հիշված է որպէս Վաղագնի վանահայր) ապրած պէտք է լինի XIII դարի երկրորդ հիսնամյակում: Այդ ժամանակաշրջանից հայտնի են Հասան անունը կրող շուրջ երկու տասնյակ գործիչներ¹⁵, որոնցից մեկը՝ Դլենյանց կոչվող Հասանը՝ քառ երեսնամբին նույնացվելու է սրա հետ:

Սա. Օրրեկյան պատմիչը հայտնում է, որ Դլեն իշխանի սերնդից Հասան իշխանը, իր երկու եղբայրների հետ միասին, «եկեղեցի և բազում միաբանութիւն» է ունեցել Տաթևում, առկայի XIII դարի վերջին՝ «յաւեթմանէ գաւառին իւրեանց և ի դառն և վերջին աղբատութենէ», ստիպված է եղել Սա. Օրրեկյանին վաճառելու իրենց գերդաստանին պատկանող մի սուրբ մասունք, ստանալով 500 դահեկան և «այլ բազում պարգևս ձիոց և եղանց և հանդերձից»¹⁶:

Ահա Դլենյան այս Հասանի որդին է եղել, հաժնաւորար, մեզ հետաքրքրող Իվանե Որոտնեցի իշխանը: Իվանեի եղբայր Սարգիս մեարտադարի 1337 թ. հիշատակարանում ասված է, որ նա «ԼՅ ամիրա և պեա երկրին Որոտան», սուտի մեռած էր արգեն այդ թվականից տարիներ առաջ, մինչդեռ Բուրթելի որդի Իվանե իշխանը առաջին անգամ հիշատակված է Արփա գյուղի եկեղեցու մի արձանագրության մեջ՝ 1322 թվականին որպէս «նորաբողոք» երիտասարդ: Հետագա տարիների (1323, 1333, 1334, 1337, 1338, 1348, 1349) բազմաթիվ հիշատակարաններում, Մյուսիայց իշխանների թվարկման ժամանակ, արվում է նաև այս Իվանեի անունը՝ նրա ամուսնու եղբայր Բեշքենից հետո՝ Վերջին անգամ, որպէս կենդանի անձնավորութիւն, Իվանեն հիշատակված է 1377 թվականին, երբ, մի ժամանակադրի վկայութեամբ, «իշխանութիւնս Հայոց էր նուազեալ, և միայն մնացեալ Իվանի, որ կոչի Իւանիկ, որդի մեծին Բուրթելին, ի մէջ այլասեպից՝ բազում հարկապահանջութեամբ»¹⁷:

Իվանե Բուրթելյանը ունեցել է 4 արուղավակ. դրանք են՝ Ստեփանոս-Սուրբանշահ, Սմբատ, Բուրթել և Գորգուն: Արդ, առանձին առանձին ծանոթանանք Իվանեի այս որդիներին:

ՍՈՒԼԹԱՆՇԱՀ-ՍՏԵՓԱՆՈՍ ՈՐԴԻ ԻՎԱՆԵ ԲՈՒԹԵԼՅԱՆԻ

Մաշտոցյան Մատենադարանի № 9450 ավետարանի վերջում կան այդ ձեռագրի հետագա օտարումների մասին մի քանի հիշատակագրութիւններ: Մեզ համար հատուկ հետաքրքրութիւն են ներկայացնում 374ա և 373բ էջերի դրանցումները: Գրանցից առաջինում ոմն «Գրիգոր նուստա և անարժան քահանայ» ասում է, որ իր հալալ արգշտնքով 1366 թվականին գնել է այդ ավետարանը՝ «չիշատակ ինձ և ծնաւդաց իմոց և եղբարց»: 373բ էջի հիշատակագրութիւն առաջին տողը («Կամաւ կարող հղօւրին տառածու») զբղած է վերոհիշյալ հիշատակարանի ձեռագրով, իսկ շարունակութիւնը գրել է ոմն տէր Ստեփանոս-Սուրբանշահ՝ այսպէս. «Եւ տէր Ստեփաննոս մականուն Սուրբանշահ, թոն Բուրթելին որդի նանկի[ն և]ղբարն [Բ]շքինի պարունի՝ ի Քրիստոս է հանգուցել: Մեր վկայ եմք այս սուրբ Աւետարանիս Վահրամայ և իւր եղ-

¹⁵ Տե՛ս Հ. Անույան, Հայոց անձնականների բառարան, Գ, էջ 57—59:

¹⁶ Սա. Օրրեկյան. Պատմութիւն նահանգին Սիսական, Թիֆլիս, 1910, էջ 485—487:

¹⁷ «Սիսական», էջ 36:

բայր [11], իսկեանց հալալ արգեմք զնեցին զայս սուրբ Աւետարանս, աստուած շնորհաւոր անէ, ամէն, ամէն»:

Ստացող Վահրամի և նրա եղբոր եղծված անունները գրված են ջնջված այլ բառերի վրա, իսկ ջնջվել են, հավանաբար, վերահիշյալ Գրիգոր քահանայի ու նրա եղբոր անունները¹⁸: Ըստ այդմ Ստեփանոս-Սուլթանշահի հիշատակագրությունը գրանցված պետք է լինի նույն թվականին, ինչ Գրիգոր քահանայինը, այսինքն 1386-ին: Այս հիշատակագրության համաձայն Բուրթելի սրգի, Բեշքենի եղբայր Նանիկ-Իվանեն ունեցել է Ստեփանոս-Սուլթանշահ անունով մի սրգի, որ եղել է եպիսկոպոս (սրա մասին ավելի հանդամանալից խոսք կլինի Սյունյաց եպիսկոպոսներին նվիրված բաժնում):

ՍՄԲԱՏ ԵՎ ԲՈՒԲԹԵԼ՝ ՈՐԴԻՔ ԻՎԱՆԵ ԲՈՒԲԹԵԼՅԱՆԻ

Սմբատի մասին առաջին տեղեկությունը գտնում ենք Հովհան Ռոտանցու աշակերտ Հակոբ գրչի 1386 թվականին շարադրած բովանդակալից հիշատակարանում: Խոսելով 1—2 տարի առաջ տեղի ունեցած բաղաբական անցուցարձերի մասին, նա գրում է, որ «զմեղքն իմ ծովացեալ հօան գոունդս տնօրինաց ի վերայ քրիստոնէից, մանաւանդ ի վերայ տանն Բուրթելի: Որ եկին և տսին զերզնն Ռոտան, և հայրենապուրկ արարին զպարոն Սմբատն, որդի Նանիկին» (ԺԳ, 560): Այստեղ հիշատակված «անօրենները», հավանաբար, Ոսկյա-Հորգայի գան Թուղթամիշի զորքերն են, որ 1385-ին մեծ ավերածություններ գործեցին նաև Սյունիքում: 1400—1403 թթ. Սմբատ և Բուրթելի եղբայրները Տաթևում շարադրված մի հիշատակարանում կոչվում են տեղի իշխաններ (ԺԳ, 632, ԺԵ, I, 4, 35): Հավանաբար 1403 (կամ հաջորդ) թվականին Լանկ-Թամուրի Թառ Միրզա-Օմարը, որ կուսակալ էր կարգված Իրանի և Անգրեկոկասի վրա, Սմբատ և Բուրթելի իշխաններին «զարձույց բանութեամբ ի չանհաւատութիւն» (այսինքն՝ զարձրեց մահմեդական) և, իրենց ընտանիքներով, ողորկեց Սամարղանդ: Շատ չի տևում, սակայն, սամարղանդյան գերությունը, շուտով նրանք վերադառնում են Սյունիք¹⁹ և կրկին գտնում քրիստոնեական հավատքի: 1406 թվականից նրանք նորից սկսում են հիշատակվել Տաթևում գրված ձեռագրերում (ԺԵ, I, 74):

Բուրթելի իշխանն իր երկու մանկահասակ որդիների հետ, ինչպես և Սմբատի մի որդին (բուսրն էլ՝ անանուն) զսՀ են գնում 1407 թ. մեծ հունձ կատարած համաճարակին. «Այսօր եղբայր Սմբատին պարոն Բուրթելի՝ հանդերձ որդւովք խոսվք հանդեալ ի Քրիստոս, և որդի Սմբատին, և այլքս անթուելիք են», — գրել է Թ. Մեծսփեցին իր ընդարձակ հիշատակարաններից մեկում (ԺԵ, I, 80, հմմտ. նաև ԺԵ, I, 75):

1407 թվականին Սմբատ իշխանն իր հեծելազնիզով մասնակցում է Ջելալբեյյան Ահմադ Ղանի և Կարա-Յաուսֆի գաշնակցած ուժերի մղած կռիվներին՝ Թամուրջանների դեմ: Հիշատակարանը, որի մեջ ավյալներ են եղել այդ մասին, պահպանվել է խիստ քայքայված վիճակում, սուտի շատ բան մնալի է մնում: Պարզ է, սակայն, որ Սմբատի զորագունդը մեծ կորուստներ է ունեցել (ԺԵ, I, 82):

¹⁸ Անուններն այս փոփոխություն կատարողը նպատակ է ունեցել ներմուծել այդ հիշատակագրության մեջ ձեռագրի նախկին հաղցողների՝ Վասիլի և Վահրամի անունները:

¹⁹ Թավմա Մեծսփեցի. Փարիզ, 1860, էջ 68:

Երբ Կարա-Յուսուֆը զբաղված էր Աղ-Կոյունլուների դեմ պատերազմելով, Սուլթան-Ահմադը իշխանությունը զբաղելու փորձ է կատարում, միայնակ լայնելու համար Կարա-Կոյունլուների գործակցութեամբ թամարյանների դեմ տարած հաղթանակը: Մմբատ Բարձրագույն իշխանը, անսալով իր ոչ հեռաւեալ խորհրդատուներին, նույնպէս հայտնվում է Ահմադի կուսակիցների շարքում և նրանից պարզեւ ստանում Անգեղակոթ գյուղը²⁰: 1410 թվականի օգոստոսին Ահմադը պարտութեան է կրում և սպանվում Կարա-Յուսուֆի կողմից: Զեյա-խրյաններին աջակցողները պատժվում են: Յուսուֆը բռնագրավում է Մմբատ իշխանի կալվածքները. «էսա գմբտան ի մմբատայ իշխանէ», — հայտնում է Թ. Մեծօփեցին²¹: Եվ Մմբատ իշխանը ստիպված է լինում պատասխարկել Վրաստանում: 1412 թվականին, իր Բեշքեն որդու հետ միասին, նա հիշատակվում է որպէս Գորիի մօտ գտնվող Աֆլիսցիխե գյուղաքաղաքի իշխան: Այստեղ շարադրված մի հիշատակարանում Մելքիոնեղեկ գրիչը հայտնում է, որ ձեռագիրն քնդօրինակել է «իշխանութեան տեղոյս (Աֆլիսցիխէի) պարոն Մմբատի և որդւոյ նորին պարոն Բէշքէնի, որ ի յառաժանէ շարին վտարեցան ի հայրենեաց իւրեանց» (ԺԵ, I, 133):

Մմբատ իշխանը կնքում է իր մահկանացուն օտարութեան մեջ՝ 1412—1414 թթ. միջոցին: 1415 թ. Տաթևում գրված մի ձեռագրում, որպէս տեղի իշխաններ, հիշատակվում են սրա որդիները՝ Բեշքենն ու Շահը: Ուստի հաշմանորաբար հալը՝ Մմբատ իշխանը, մեռել էր աչդ թվականից առաջ (ԺԵ, I, 653): Մտաթեոս Մանուգանը 1417 թ. Գանձատարում շարադրած հիշատակարանում Մմբատի մասին գրում է. «Թանդի աչն, որ կայր մնացեալ շառախդ տանն Բիւրթեղեանց՝ ...որոյ անուն Սըմբատ կոչիւր, և անդ (ի Վրաստան) ի յօտարութեանն վախճանեցաւ» (ԺԵ, I, 194):

Մմբատ Բարձրագույնը մեծ հաժանակաւթութեամբ ամուսնացած է եղել վրացուհի մի իշխանուհու հետ, աչդ ամուսնութեանից ծնված որդիներից տեղեկութեան ունենք 4-ի մասին. մեկը 1407 թ. մահտարածմին զոհ գնացած պատանին է, որի անունն իսկ չի պահպանվել, մյուսներն են՝ Բեշքենը, Իվանե-Ստեփանոսը և Շահը: Բայց մինչև սրանց անգրադատեալը անհրաժեշտ է ի մի քերել Իվանեի մյուս որդու՝ Գորգուն իշխանի գործունեութեանը լուսարանող հատուկեւտ վկայութեանները:

ԳՈՐԳՈՒՆ ՈՐԴԻ ԽՎԱՆՆ ԲՈՒՐԹԵԼՅԱՆԻ

Գորգունի անունը, իր հոր անվան պէս, տառադարձված ենք գտնում տարբեր ձևերով՝ Գորգուն, Գորգոն, Գուգուն, թերեւ նաեւ Գօրգունէ:

Սամուել Անեցու «Ժամանակագրութեան» շարունակողներից մեկը, ՊԼԵ (1386) թվականի տակ, պատմում է հետեւյալը. «Թուրքն էառ զբերգն Որստան, և մեծ վարդապետն Կախիկ գնաց փախստական ի Սարայ, և պարոն Գօրգունէն զարդամահ եղև»²²: Այս աշարքով տեղեկութեանը Հր. Անարյանի կողմից հասկացվել է այն իմաստով, որ «Արա (իմա՝ Գորգուն իշխանի) ձեռքից վշտամահ

²⁰ Նույն տեղում, էջ 72—73:

²¹ Նույն տեղում, էջ 34:

²² Ամամուլի Լամանայի Անեցույ, Հատարմունք ի գրոց պատմագրաց, Վաղարշապատ, 1893, էջ 126:

եղավ Հովհան Ռոստեկցին»²³։ 1386 թվականի այս վկայությունը միակն է, որ Բվանե Բուրթելյանի Գորգուն արգին հիշատակված է որպես կենդանի, կամ թիշ առաջ մեռած անձնավորություն։

XV դարի հիշատակարանների ու Թ. Մեծոփեցու «Պատմության» մեջ մի երկու անգամ դարձյալ հանդիպում ենք Բուրթելյան այս իշխանի անվանը, բայց արդեն՝ նրա Տարսաչիճ արդու կապակցությամբ։ Մեծոփեցին, օրինակ, հայտնում է, որ Սմբատ և Բուրթել իշխանների հետ մեկտեղ Բաժուրյան ախրակալ Միրզա-Փամարը բռնի հաժառափոխ է արել նաև վերահիշյալ Տարսաչիճին («Ձախն Եղեղեաց Տարսաչիճ տնուն՝ զորդի Գորգունին սրացուցին»²⁴), իսկ Գրիգոր Ախալցխացի գրիչը, 1419 թ. շարադրած իր հիշատակարանում, Բուրթելյանների այս ճյուղի հաջորդականության մասին այսպիսի ցուցում է տալիս. «...պարոն Տարսաչիճին, որդուց Գուգունին, որդուց Բնանիկին, որդուց Բուրթելին» (ԺԾ, I, 656)։ Այս վկայություններից պարզվում է, որ պարոն Գորգունը իշխել է Եղեղեաձորում։

Այժմ դատնանք Սմբատ իշխանից սերվող պաշտպաններին։

ԲԵՇՔԵՆ ՈՐԴԻ ԻՎԱՆԵ ԲՈՒԲԹԵԼՅԱՆԻ

Սրա անվանն առաջին անգամ հանդիպում ենք 1406 թ. Տաթևում շարադրված մի հիշատակարանում, որ ասված է, որ ձեռադրի բնագործակալությանը կատարվել է «իշխանութեան պարոն Սմբատին և որդուց նորին Բեշքենին և Էւանէին» (ԺԾ, I, 58)։

1410 թվականից հետո, իր հոր հետ միասին, Բեշքենն էլ հայրենազուրկ է լինում, վտարվում Այունիքից ու պատապարվում Վրաստանում։ 1412 թվականին, ինչպես դիտենք արդեն, նա եւ հիշվում է որպես Աֆլխացիսե պաշտպանության տեր («իշխանութեան տեղոյս պարոն Սմբատի և որդուց նորին պարոն Բեշքենին») (ԺԾ, I, 133)։

Սմբատը, տեսանք, որ վախճանվում է «ի չօտարութեանն» (Վրաստանում), բայց նրա որդիներից երկուսը, Մատթեոս Մոնոպոնի սառցապատում տվյալներով, «եկին ի հայրենիս խրեանց, և ոչ են տեսարք իշխանութեանն խրեանց, այլ ընդ ձեռամբ անօրինաց» (ԺԾ, I, 194)։ Երկու այդ որդիներից մեկը, տնտարակալս, Բեշքենն է, մյուսը՝ Շահը. այդ մասին է վկայում Հովհաննես գրիչը, որ 1415 թվականին Տաթևում շարադրած իր հիշատակարանում գրում է. «Իշխանութեան տեղոյս մեծատոհմի Բեշքենի. հարազատով Շահիս» (ԺԾ, I, 653)։ Մի բանի տարբի անց՝ 1422 թվականին, նույն Տաթևում, նա հիշատակվում է որպես այդ վայրի իշխան՝ միայնակ, առանց իր եղբայր Շահի ընկերակցության (ԺԾ, I, 292)։

Բեշքենի որդի Ռուստամը, Կարա-Կոյունլու Սրանգար փաղիշահի մերձավոր պինակիցներից մեկը լինելով, պետական բարձր պաշտոններ է զբաղեցրել (այդ մասին՝ թիշ հետո)։ Սրանգարի իշխանության տարիներին (1421—1437) Բեշքենին հաջորդվում է, անշուշտ իր Ռուստամ արդու աջակցությամբ, վերս-

²³ Հայոց անձնանունների բառարան, հտ. Ա, էջ 493։ Բացառված չէ, որ տարանն գրանցված այս (Գորգուն) անձնանունն ուղղակիան հաղվածներից մեկն էլ եղել է Գորգունը (հմմ. Իսանե, Կուրիկե, Սահմանե և այլն)։ Այդ գնադրում պետք է ենթադրել, որ ժամանակագիրն ակնարկել է պարոն Գորգունի վրաստան լինելու միջոցին՝ Խուրթերի կազմից իր կալվածքների գրավման կապակցությամբ։

²⁴ Թ. Մեծոփեցի, էջ 68։

ստանալ Բուրթեկյան տան կալվածքների մի մասը: 1428 թվականին, օրինակ, նրան էր պատկանում նաև Անդեղակոթ գյուղը (ԺԾ, I, 382), իսկ 1429-ի մի պաշտոնական գրության մեջ Բեշքենը հիշատակվում է իր մի քանի վասայների հետ միասին²⁵:

Գրությունը, սակայն, փոխվում է 1434—1435 թվականից հետո, երբ Կառլ-Քամուրի Շահառլա որդին, երրորդ անգամ լինելով, արշավեց Կարա-Կոյունլու թրանզարի վրա և պարտության մատնեց նրան: Քամուրյանները ներխուժում են նաև Մյուսիքի սահմանները և ավերածություններ գործում. Բեշքենը, իր Ռուստամ որդու հետ միասին, դարձյալ ստիպված է լինում թողնել իր հայրենական կալվածքները և, հաղարավոր հպատակների դուրս անցած, գաղթել վրաց տիրապետության տակ գտնվող Հյուսիսային Հայաստանի շրջանները:

Վրաց Ալեքսանդր թագավորը, որ Բեշքենի փեսան էր, Լոռու բերդն իր շրջակայքով հանձնում է իր աներոջը: Մյուսիքից Լոռի կատարված մեծ գաղթի մասին ուշագրավ տողեր է գրանցել Թովմա Մեծոփեցին. «...Առեալ (Բեշքենն) զամենայն կողմն Սիւնեաց և զամենայն գաւառս շրջակայ մերձ ի Սիւնիս, տւելի քան 4200. (6000) քրիստոնեա տունս, ապաստեալ ի Շահառահէն, հասուց ի կողմն Վրաց: Եւ թագաւորն առ երեսս պատուեալ զնա, տալ նմա զղղիսկն Լոռու»²⁶:

Որպես Լոռու տիրակալ Բեշքենը և Ռուստամը հիշատակվում են նաև 1437 թ. Սանահնի վանքում Շմալոն վարդապետի շարադրած հիշատակարանում. աշխատել կարգում ենք. «Իշխանութեան տեղոյս իշխանաց իշխանին պարոն Բեշքենին՝ շառաւիղին՝ Թրքիկանց, և որդոյ իւրոյ պարոն Ընքստամին» (ԺԾ, I, 468):

Մի տարի անց՝ 1438 թվականին, Վրաց Ալեքսանդր թագավորը, երկյուղ կրելով, որ «Հայք առ նա ժողովեացին և տւերումն լինի կողման Վրաց», թուովորել է ստալիս իր աներոջը՝ Բեշքեն իշխանին²⁷:

Բեշքենի զավակներից տեղեկություն ունենք երեքի մասին. Ռուստամից բացի ունեցել է 1438-ին հազիվ 10 տարին բոլորած մանկահասակ մի որդի²⁸, որի անունը չի հաղորդված և որի հետագա կյանքի մասին վկայություններ չկան: Դուռտըրը, որի անունը նույնպես չգիտենք, ինչպես ասացինք, եղել է Վրաց Ալեքսանդր թագավորի (1412—1443) կինը:

25 Սառնե բերում ենք այդ գրությունը. «Յանուն աստուծոյ եւ՝ Բեշքէն, որդի մեծի իշխանին Ամարտալի, տեաի գնեւտարանս, որ քաղում ժամանակ ի մեր երկիրս էր ու զնել էր Տանծիկունց Աւարն, Երեկ Քամայ երկց Սիւնայվանից, թէ այս մեր եկեղեցոյն է. Սիւնաւանից թալան է տարել, ու երդումն կերաս: Եւ Բեշքէն, որդի պարոն Մմպատին, տուի մեզ աբեշատաւիտան ու մեր նախնեցն յիշատակ ի Սիւնեց վանիցն, որ Սիւնիվանք ասեն:

Եւ Տովհանէս վարդապետ, որ զգիրս գրեցի վկա եմ: Եւ Յովանէս եկեղեցաւորան Վաղարշոյ վանացն վկայ եմ: Եւ Գիւանճի որդի Լեշին վկա եմ, եւ Պաշարաթ՝ որդի Էլէկ[ս]անին Լորեցի վկայ եմ, եւ Էլտաթ՝ որդի Փալիկին վկայ եմ, եւ Ափղազ՝ որդի Սեթիկայ, որ մեր հայրն ու հարեղորայցն Աւարն գնել էր, մեր էլ յետ աւինք, մեր ենք Գաւայքարու տէր՝ աւինք ի յեկեղեցին Սիւնեւանից, ոչ ում խաւար ու գրսց չկայ, աստուած շնորհսր ասեն:

Ամիս տրեղ, թաւական հայոց ԳԶԸ. (1429), Գաւայքարն պատմաւր լինի» (ԺԾ, I, 392):

26 Ի. Մեծոփեցի. էջ 117—119: Տղապիրն այտանդ աղաւմաղված է, սրբազրում ենք մի շարք հետազոտի քաղցատությամբ:

27 Նույն տեղում, էջ 118:

28 Նույն տեղում, էջ 119:

ԻՎԱՆԵ-ՍՏԵՓԱՆՈՍ ՈՐԴԻ ՍՄԲԱՏ ԲՈՒՐԹԵԼՅԱՆԻ

Մճրատ իշխանի աչս որդին մեզ արդեն ծանոթ է 1406 թ. Տաթևում շարադրված հիշատակարաններից, ուր նա հիշված է հոր և եղբոր հետ միասին, որպես տեղի իշխաններից մեկը («իշխանութեան պարսն Մճրատի և որդոց նորին Բեշքենին և Բւանէին»)։ Այդ ժամանակ նա գեոնա աշխարհակյան էր ու արդեն ընտանիք կազմած։ (Իվանեի որդի պարսն Մճրատի տարիները հետո թողած մի հիշատակագրությունից հայտնի է դառնում նաև նրա կնոջ՝ Մարգարիտ-Խաթունի անունը)։

Ե՛րբ է Իվանեն եկեղեցականի սքեմ հազել ու դարձել Ստեփանոս Սյունյաց եպիսկոպոս, սաույզ շփտենք, գուցե 1410-ին (այս մասին տե՛ս Այունյաց եպիսկոպոսների ժամանակագրությունը նվիրված բաժնում)։ 1419 թ. Հերմոնի վանքում շարադրված արժեքավոր մի հիշատակարանի մեջ նրա մասին կարդում ենք. «Եւ ի հայրեպատուֆեան աչսմ նահանգի տէր Ստեփաննոսի՝ մականուն Բւանէի, որդի պարսն Մճրատաչ և եղբայր պարսն Բէշքէնի» (ԺԵ, I, 656)։

Իվանե-Ստեփանոս պարոնները վերջին անգամ հիշատակված է 1421 թվականին՝ Տաթևի վանքում («Ի յառաջնորդութիւն տէր Ստեփաննոսի ի զարմէն Պառթիւհեանց»), մեռել է հենց նույն թվականին (ԺԵ, I, 256)՝ Վրաստանում, ուր զնացել էր իր մորը տեսության։ Թումազը իշխանի մասին գրում է. «Յառաջնորդութեան տանա Սիսականաչ տէր Ստեփաննոսի՝ որդուչ պարսն Մճրատին, որ և չաչսմ ամի զնացեալ ի տունն Վրաց առ մայրն իւր՝ փոխեցաւ ի Քրիստոս» (ԺԵ, I, 292)։

Իվանե-Ստեփանոս պարոնների որդուն ու սերնդին բիշ հետո անդրադառնալու խոստումով, երկու խոսք տաենք Մճրատ իշխանի մյուս որդւ՝ Շահի մասին։

ՇԱՀ ՈՐԴԻ ՍՄԲԱՏ ԲՈՒՐԹԵԼՅԱՆԻ

Շահը, իր տվադ եղբայր Բեշքենի հետ միասին, հոր մահվանից հետո վերադարձել է Սյունիք։ 1415 թվականին Տաթևում գրված մի հիշատակարանից պարզվում է, որ երկու աչս եղբայրները աչս ժամանակ գտնվում էին Սյունիքում («Իշխանութեան տեղուս մեծատոհմի Բէշքէնի, հարազատով՝ Շահիւ»)։ Մի քանի տարի անց Բեշքենը մեռավ է հիշվում որպես իշխան Տաթևի, հետագայում նաև այլ կալվածքների։ Պետք է ենթադրել, ուրեմն, որ Շահը երկուրդի մնացել Սյունիքում, այլ վերադարձել է Վրաստան, ուր ապրում էր գեոնա իր մայրը (հավանաբար ազգությունը վրացուհի)։

Բեշքեն իշխանի եղեսնական մահվան պատմությունը շարադրելիս Թովմա Մեծոփեցին տխրությամբ արձանագրում է, որ աչս ժամանակ (1438 թ.) նրա Շահ անունով եղբայրը ողջ էր և հանգիստ ապրում էր Վրաստանում՝ «վարժեալ և սնեալ առ սրովաշնամոլ ազգին Վրաց։ Եւ անարի դտեալ և ոչ ի խնդիր ելեալ հայրենի դաւառին»²⁹։

²⁹ Թ. Մեծոփեցի, էջ 119։

ՏԱՐԱՎՅԻՃ ՈՐԴԻ ԳՈՐԳՈՒՆ ԲՈՒՐԹԵԼՅԱՆԻ

Տարավյիճն իշխում էր Եղեղիսում. հիշատակված է այն իշխանների շարքում որոնք բռնաթյամբ մահմեդական գարձվեցին Լանկ-Թամարի թու Միր-գա-Օմարի կողմից, 1403 թվականին³⁰: Թամարյանների պարտությունից հետո Տարավյիճը նույնպես դառնում է բրիտանիական հավատքի. «Մարգրիկ,— գրում է Թ. Մեծովեցին,—որք յաւուրս շաղաթային ի հաւատոյ ուրացեալք էին, իկին ի հաւատո՝ Բարթէլն Որոտնայ, Տարավյիճ՝ Եղեղեաց»³¹: 1415 թվականին Տարավյիճի մասին ուշադրով տվյալներ է գրանցել Գրիգոր Ախալցխացի գրիչը, հայանելով, որ հենց նույն տարում նա զբղից հայրենական իր կալվածքներից ու թշվառ վիճակի մեջ է գտնվում: «Գրեցաւ դիրքս, որ կոչի Հարցմունք,—կարդում ենք վերահիշյալ գրչի հիշատակարանում,—...ի հայրապետութեան ուրբ ուխտիս և գաւառիս պարսն Տարավյիճին, որդոյ Գուգունին, որդոյ Ինանիկին, որդոյ Բարթէլին: Զի յայսմ ամի յոյժ ի նեղութիւն, ի տառապանք և յաղքատութիւն անկաւ, զի նա, ու բոլոր գաւառիս իշխէր, այժմ ոչ միայն ազատակի կամ գեղջ ոչ կարէ իշխել. դի խլեալ և յափշտակեալ էին ի նմանէ դամենայն գեղ և գրաղաք, զվանք և զանապատ ի նմանէ. և նա փախեալ և թաղուցեալ էր ի ծերպս վիմաց և ի մայրիս, մինչև այց արացէ նմա տէր ստատած և յառաջին փառսն և իշխանութիւնն գարձուացէ զնայ» (ԺԵ, 1, 656):

Գրչի այս բաղձանքը չի իրականացել. ճիշտ է, Տարավյիճի որդիներից Սըմբատը զարավերջի մի հիշատակարանում (տե՛ս ստորև) մեծարված է «իշխանաց իշխան» տիտղոսով, բայց չունենք որևէ վկայություն հավաստելու, որ Տարավյիճին կամ նրա ժառանգներին հաջողվել է հետազայում վերստանալ իրենց կալվածքները Եղեղիսում:

«Իշխանաց իշխան» այդ Սմբատը հիշատակված է իր որդի՝ Վաչոց-ձորի արքեպիսկոպոս Եղիշի կապակցությամբ՝ Եղեղիս քաղաքում ընդօրինակված մի ավետարանի հիշատակարանում, որի մեղ հետաքրքրող մասը բերում ենք ստորև. «Արդ, գրեցաւ պարս Աւետարանս ի թվականիս Հայոց ԶեԴ. (1495), ի կաթողիկոսութեան տեան Սարգսի ...և վերագիտող այսմ նահանգի (իմա՝ Վաչոց ձորի) պարօնաէր Եղիշա արքեպիսկոպոսի, որդոյ իշխանաց իշխանի պարսն Սմայլատա, որդոյ մեծին Տալրսարճի»³²:

Սկսքանով սպասվում են Տարավյիճի հաջորդների մասին մեղ հուշանի աղքատիկ տվյալները:

ՌՈՒՍՏԱՄ ՈՐԴԻ ԲԵՇՔԵՆ ԲՈՒՐԹԵԼՅԱՆԻ

Ռուստամը մեղ արդեն մասամբ ծանոթ է Բեշքենի կյանքի տարեգրությանը նվիրված հատվածից: XV դարի Հայոց պատմության մեջ կարևոր դեր կատարած մի գործիչ է: Սքանգար Կարա-Կալուելուն ներքնապես ուժեղ պետություն ստեղծելու իր ծրագրերն իրագործելու նախադարձին ինչ-որ չափով հենվում էր նաև հայ իշխող վերնախավի վրա. իրեն կոչում էր «Հայաստանի թագաւոր» (Շահ-ի արմեն), պետական բարձր պաշտոններ էր շնորհում հայ ֆեո-

³⁰ Թ. Մեծովեցի. էջ 68:

³¹ Նույն տեղում, էջ 73:

³² Ր. Սարգիսյան. Մարք ցուցակ հայ ձեռագրաց մատենադարանին Մխիթարեանց ի վեհե-տիկ, հտ. Բ., 1914, էջ 585:

դաշակա՛ն տներից սերված որոշ զործիշների, իր գորքի մեջ հավաքագրում էր նաև հայ ռազմիկների և այլն: Ռուստամ Բուրթելյանը, անտարակույս իր արտակարգ ընդունակությունների շնորհիվ, դարձել էր Սքանդարի մերձավոր զործակիցներից մեկը և առաջ քաշվել պետական բարձր պաշտոնների: 1431 թվականին, լինելով հավանաբար Երևանի նահանգի կառավարիչ, Ռուստամը էջմիածնի վանքին վաճառքի անվան տակ վակֆ արեց 7 խաշոր գյուղեր, որով և տնտեսական հող ստեղծեց հայ եկեղեցու հոգևոր կենտրոնը Կիլիկիայից մայր հալընէիք՝ էջմիածին տեղափոխելու համար: Նվիրարեւոյած այդ գյուղերի պարսկերեն ընդարձակ կալվածագրում շատ ուշագրավ են Ռուստամին արված տխուրոսները, որոնք ինքնին ցուցանիշ են այն բարձր գիրքի, որ գրավել էր Բուրթելյան այդ իշխանապունը Կարա-Կոյունլուների վարչական ապաններում: Այնտեղ ասված է. «Վեհանձնյա էմիր և իշխան, մեծափառ, ազնվաշուք, բարձրաստիճան, բարձրագույն, վստահելի ծառա և ամենատղնիվ վեզիր, նորին կայսերական մեծություն սուլթանի մահրիմ, ամենազոր, արքայական պետության սիրելի, մեծազույն արքունի խորհրդական, արքաներից ամենից իմաստունի վստահելի, որի անձը վեր է ամեն ահսակ նկարագրությունից ու դավասանքից, հավիտենականության տիրապետուծ ողորմածությամբ իշխանության և կրոնի քաջահաղթ էմիր Ռուստամ, որդի էմիր Բեշքենի, որդի էմիր Սմբատի»³³:

Պետք չէ տարակուսել, որ Սքանդարի իշխանության տարիներին Ռուստամի բարձր հեղինակությամբ Մյունյաց Օրբելյանները և, մասնավորապես, Ռուստամի հայր Բեշքենը, վերստացել էին իրենց կալվածքների մի մասը և բարեկեցիկ վիճակ ստեղծել իրենց համար: Գրությունը փոխվեց արմատապես Սքանդարի պարտությունից ու սպանությունից հետո: Գիտենք արդեն, որ 1437 թվականին Ռուստամը, պետական գործերից հեռացած ու պատիվներից զրկված, պատսպարվել էր Լոսիում: Հետագայում սակայն նա կրկին վերադարձել է Մյունիք: 1451 թվականից պահպանվել է մի պարսկերեն կալվածագիր, որի համաձայն նույն Ռուստամը Տաթևի վանքին է վաճառում իրեն պատկանող Եվարանց, Տաշու, Ազանց ու Տանձատափ գյուղերը: Բայց այս փաստաթղթում նա հիշատակվում է առանց բաղմահարկ տխուրոսների, սուկ որպես՝ «հայ ամիրզադա Ռուստամ, որդի ամիր Բեշքենի, որդի Սմբատի»³⁴:

Ամիր Ռուստամի կյանքի հետագա տարիների մասին տեղեկություններ չեն պահպանվել: Մեծ հավանականությամբ նա ունեցել է որդիներ, դուցի ոչ հայ և ոչ քրիստոնյա կնոջից կամ կանանցից:

Դառնանք այժմ Ռուստամի հորեղբայր՝ պարոնտեր Իվանե-Ստեփանոսի օրերին:

ՍՄԲԱՏ ՈՐԴԻ ԻՎԱՆԵ-ՍՏԵՓԱՆՈՍ ԲՈՒԲԹԵԼՅԱՆԻ

Այս Իվանե-Ստեփանոսը, առանք արդեն, որ մինչև Մյունյաց Խախկոպոս պառնալը ամուսնացած է եղել և ունեցել Սմբատ անունով մի որդի: Այս պարոն Սմբատը 1471 թվականին ստանում է մի ավետարան, որի հիշատակա-

³³ Հ. Փարսեզյան, Մի էջ Արեւելյան Հայաստանի քաղաքական կյանքի պատմությունից («Տեղեկագիր», 1955, № 8, էջ 86):

³⁴ Նույն տեղում:


բանում ավյալներ է հազարդում իր նախնիների մասին. «Ես՝ պարոն Սմբատս,— գրում է նա,— տախ դիկնաւերեր Աւետարանս յիշատակ ինձ և ծնողաց իմոց՝ զհայրն իմ Սահփանոս, մայրն իմ Մարգարիտ-եմթուն, զսպալն իմ Սմբատ, զմեծ սպալն Բվանիկ» (ԺԵ, II, 317):

Կարելի է ենթադրել, որ հենց այս Սմբատն է հիշատակված Հերհերի մաս պանդոզ ավերակ գյուղատեղում կանգնեցված մի խաչքարի արձանագրության մեջ, ուր ասված է. «Թվ. 281. (1489), կամաւն աստուծոյ եւ եաշատուր երկցս... կանգնեցի պաշտ հոգ(ոյ) փրկութիւն պարոն Սմբատին»:

Այս գրութեանը խորհրդածութեանների տեղիք է տալիս. նախ, ինչու է խաչքարը կանգնեցված ոմն եաշատուր երեցի կողմից, որը, կարծես, ազգակցական կապ չունի պարոն Սմբատի հետ, և ապա Սմբատի ինչ մեղքերն ի նկատի ունի արձանագրութեան կազմողը՝ ազիրտելով նրա հոգու փրկութեանը: Կարելի է, արդյոք, հետեցնել, որ հենց այս Սմբատով է սկսվում Մյունխաց Օրբիկյանների հովատափոխութեան պրոցեսը, և որ նա կնքեց իր մահկանացուն՝ սրպեա ասաջինը մահմեդականութեան ընդունած Բուրթիկյան պաշտպաններից:

Այս հարցին անկարող ենք պատասխանել, բայց տեղեկութեան ունենալով «Սմբատի որդի Ռուսթի (իմա՝ Ռուսնեցի) Սահրար» անունով մի մահմեդականի մասին, որը 1508 թվականին, սրպեա վկա, իր սատրապութեանն է դրել հաթիքի վանքապատկան գյուղերի Շմալոն վարդապետին պատկանելու իրողութեանը հովատափոխ մի վախճանի տակ: Գուցե այդ Սահրարը որդին է հենց 1489 թ. մահացած այս Սմբատի, բայց կարող է նաև լինել Ռուստամի սերնդից (թաղ՝): Ռուստամ ու Սահրար անունները բնական են ազգակցական ավելի սերտ աղերս ունեցող անձանց համար: Սահրարի ստույգ տեղը Բուրթիկյանների տոհմածառում առկախ թողնելով, հայանենք, որ նրա հեռավոր ժառանգներին՝ «Բուրթիկյանների համայնք» *جاعت بورتيكو* անվան տակ, բազմիցս հանդիպում ենք XVI—XVII դարերի փաստաթղթերում. այդ բուրթիկյանները, ազգային իրենց դիմապատկերը կորցրած, հաճախ վեճի են բռնվել հաթիքի վանքի հետ և, միջոցների ընտրութեան չկատարելով, փորձել են բռնադրամել վանական կալվածքները³⁵:

Այսպիսով, XV դարի վերջերին Մյունխաց Օրբիկյանների Բուրթիկյան Հյուպը, որ շուրջ երկու դար հալոնի աշխարհին պարզեց աշխարհական ու հոգեվորական նշանավոր գործիչներ, օտար տիրակալների անլուր բռնութեաններին ենթարկվելով՝ ազգային դիմահեղձման է ենթարկվում և իջնում Հայոց պատմութեան բեմահարթակից:




Որպես աշխարհիկ ու հոգևոր տերեր XIV—XV դարերում Մյունխաց աշխարհում տիրակալած Օրբիկյան իշխանների Բուրթիկյան Հյուպի պաշտպանների մասին մեր հետազոտութեան արգյունքները հնարավորութեան են ընձեռում կազմելու այդ գերդաստանի ըստ հնարավորի ամբողջական տոհմածառը:

Հարկ է նշել, սակայն որ ձևապարական հիշատակարանների, վիճական արձանագրութեանների և այլ ազդրությունների մեջ կարող են գեղես հայտնաբերվել նոր ավյալներ, որոնց օգտագործմամբ հնարավոր կլինի լրացնել տոհմածառը աննշան դեր կատարած մի քանի նոր անուններով, ինչպես և ճշգր-

³⁵ Բուրթիկյանների մասին այս ավյալները քաղել ենք Հ. Փափազյանի «Մատենադարանի պարտիքին կալվածագրերը» ազգագրվող աշխատութեանից:

առումներ կատարել թվականների մեջ: Որոտնավանքում պահպանված մի տա-
պանաքարի արձանագրության մեջ, օրինակ, հիշատակված է ոմն «քարեպաշտ
իշխան արքայազուն Սմբատ», վախճանված 1430 թվականին: Սրկզունքում
1461 թ. շարադրված մի հիշատակարանում, Պոռչյան իշխան Զումայի հետ
մեկահզ, տեղեկություն է պահպանված նաև ոմն իշխան Ինանիկի մասին (ԺԵ, II,
157): Չենք տարակուսում, որ այդ Սմբատն ու Ինանիկը նույնպես Բուրթեյան
գերդաստանից են սերված, բայց անհրաժեշտ տվյալներ չունենք պարզելու
ներանց ծնողների անունները և տեղ տալու նրանց Բուրթեյանների տոհմաժառ
մեջ: Ավելացնենք նաև, որ հետագա դարերի աղբյուրներում կան ու գեներալ-
բաղ են գտնվել ստույգ կամ շինծու տվյալներ իրենց Թրքեյան իշխանների շա-
ռավիղ համարող ընտանիքների մասին³⁶: Այդ կարգի տվյալների հավաքումն
ու դատահարզումը՝ մեր նպատակից դուրս ենք համարել:

Կից էջի վրա տալիս ենք Բուրթեյանների տոհմաժառը, յուրաքանչյուր անձ-
նանվան տակ նշանակելով ծայրային այն թվականները (կամ թվականը), որ
գտել ենք նրա մասին սկզբնաղբյուրներում:



Այժմ, մասնավոր քննության նյութ դարձնելով, փորձենք որոշել Մյունխաց
մեարապոլիտների հաջորդական կարգը XIV—XV դարերում՝ Բուրթեյան գեր-
դաստանի գործունեության երկդարյա ժամանակաշրջանում:

Ղ. Ալիշանը «Միսականի» մեջ՝ «Նպիսկոպոսունք Միւնեաց» խորագրի տակ
(էջ 20—21) տալիս է այսպիսի ցանկ.

— 1310 Յովհաննէս Թրպէլ

— 1329 Ստեփանոս Թրպէլ (վրիպակ է, պետք է լինի Տաբաչիճ), որդի
Զալալույ

— 1337 Սարգիս և Ներսէս

.³⁷

— 1407 Առաքել քեռարդի Գր. Տաթևացույ

— 1422 + Ստեփանոս, որդի Սմբատայ Թրքեկան

— 1464 + Ստեփանոս միւս, որդի Իւանէի Որոտնեցույ

— ... + Շմաւոն յաւատ տանէ

— 1483 + Ստեփանոս, եղբորորդի Շմաւոնի

— 1495 + 1522 Նզիշէ Թրպեկան:

Ալիշանի հաղորդած տվյալների վրա որոշ հավելումներ կատարելով մի
ցանկ էլ կազմել է Արտակ եպս. Սմբատյանը, «Համառօտ պատմութիւն Տաթևի
վանքի» իր սւսումնասիրության մեջ, առանց սկզբնաղբյուրների վկայութեան³⁸:

Ավելի հանգամանորեն Մյունխաց եպիսկոպոսների հաջորդական ցանկը
կազմելու աշխատանքով զբաղվել է Նորայր եպս. Պաղարջանը իր «Տաթև» սւ-
սումնասիրության մեջ³⁹, յուրաքանչյուր անձնանվան գիմաց ստալով նրա

³⁶ Այդպիսի մի տվյալ, շարադրված կիսադրագույն մեկի կողմից XVIII դարում, հրատարակել
է Ղ. Ալիշանը «Միսականի» մեջ (էջ 97):

³⁷ Յոթ-Նաստունամյա այս բացատրի կապակցությամբ Ալիշանը գրում է. «Ոչ յիշին և յաջորդ
սոցա (իմա՝ Սարգսի և Ներսիսի—Լ. Խ.) մինչև ի սկզբն ժՅ դարա՝ ցամա 70» («Միսական»,
էջ 21):

³⁸ Տե՛ս «Տաթև» տարեցրույց, 1930, էջ 276—351:

³⁹ Ն. Վ. Մովսիսյան, «Տաթև» («Մլ. տն» 1950, Յունիս-յուլիս, էջ 197—202):

աթոռակալության իրեն հայտնի թվականները, նաև համառոտակի նշելով աղբյուրները (ըստ մեծի մասին Հր. Աճառյանի «Անձնանունների քառարանի» ընձեռած ավյալներով):

Մանթանանք նաև այդ ցանկին (առանց նշելու աղբյուրները).

— Յովհաննէս Կոս. Օրպէլ, 1310—1324

— Ստեփանոս Կոս. Օրպէլ, 1329

— Շմաւոն Կոս., 1332

— Սարգիս արքեպիսկոպոս, 1337

— Յովհաննէս Որոտնեցի, 1375—1386, որդի Բւանէ Օրբելեանի

— Գրիգոր Տաթևացի, 1336—1407

— Առաքիլ Կոս. Սիւնեցի, 1407—1416

— Ստեփանոս Կոս. 1417—1422, որդի Օրբելյան Սմբատի

— Յովհաննէս փակակալ, 1422—1463

— Ստեփանոս Կոս. 1464—1472, որդի Որոտնեցի Բւանէի

— Շմաւոն Կոս. 1472, յաղատ տանէ

— Յովհաննէս Կոս. 1478

— Ստեփանոս Կոս. 1478—1485, Եղբորորդի Շմաւոն Կոս.-ի

— Եղիշէ Կոս. Օրբելեան, 1495—1522

Ալիշանի և Պողոսյանի (Սովական) այս ցանկերը՝ վերանայման ու ճշգրտման խիստ կարիք են պատճառում:

Ուրիշի կամ այլ առիթի թողնելով հարցի մանրակրկիտ ու ամբողջական ուսումնասիրությանը, հիմնականում ձեռնդրական հիշատակարանների մատուցած ավյալներով, փորձելու ենք տվելի ճշգրտված ջանկ կազմել XIV—XV դարերում աթոռակալած Սյունյաց եպիսկոպոսների:

Հովհաննէս-Օրբել. նշանավոր պատմադիր՝ Ստեփանոս Օրբելյանի կենդանության որոշ (Ստեփանոսը մեռել է 1303 թվականին⁴⁰) Սյունյաց մեարտապլիա է օծվել նրա հորեղբայր Լիպարիտ Օրբելյանի որդի Հովհաննէս-Օրբելի: 1302 թվականի մի պաշտոնական գրության մեջ նա իրեն կոչում է. «Տէր Յովհաննէս յազդէ Աւրպելեանց, պառապֆրանտէս Հայոց Մեծաց և մեարտապլիա Սիսակ[ան] նահանգի» (ԺԳ, 7): Վերջին անգամ հիշատակված է որոշակիորեն 1323 թվականին՝ «Տէր Յովհաննէս մականուն Աւրպել, մեարտապլիա և այցելու Սիւնեաց երկոտասան դաւազանաց» (ԺԳ, 183): Երբ է վախճանվել՝ չգիտենք:

Ստեփանոս-Տառնայի. որդին է Զաւալ Օրբելյանի, Եղբորորդին Ստեփանոս պատմադրի: Հոգևոր կոչում էր ընդունել 1314-ից առաջ. այդ թվականին, դեռևս «գեաւորդրոջ և լուսազարդ պատանի», նա հիշատակված է որպէս «Տէր Ստեփանոս մականուն Տառնայի» (ԺԳ, 99, 100)՝ աթոռակալ Սյունյաց (ԺԳ, 104): 1321—23 թվականներին ևս, Հովհաննէս-Օրբելի հետ միասին, հիշատակված է որպէս «վերադիրտող տանս Սիւնեաց» (ԺԳ, 166)՝ «մանուկ տիաւք առնալ զաշտիճան արհեպիսկոպոսութեան» (ԺԳ, 183):

Հովհաննէս-Օրբելի մահվանից հետո (տարեթիվը անհայտ) միայնակ է վարել Սյունյաց մեարտապլիաությունը. 1331 թվականին հիշատակված է որպէս «տէր և վերապետուլ զահեբեց և զլուխ արհիերից աթոռոյս Սիւնեաց»

⁴⁰ Ալիշանը մահվան տարեթիվ է համարում 1303-ը, որ անընդունելի է:

Տաթևայ և Նորավանից և Յախաքբարոյ, պիտ երկոտասան զաւառաց» (ԺԴ, 231):

Սարգիս մեաբալալիս—Որդին է Հասան իշխանի, «որ էր յազգէ և յազնէ մեծափառ իշխանաց տանս Սիւնեաց»: Սրա եղբայր Իվանե իշխանը կոչված է «ամիրա և պիտ երկրին Որոտան» (Հայրն է նշանավոր Հովհան Որոտնեցու):

Սարգիսը 1326 թվականին եղել է Վաղագնի վանքի վանահայր և այնտեղ կառուցել մի պանդոկ: 1333-ին հիշատակված է որպէս «աթոռակալ» Մյուն-յաց (ԺԴ, 257): Իսկ նույն թվականի մի այլ հիշատակարանում (Նոր Զուգու, ձեռ. № 402) կոչված է արդեն արքեպիսկոպոս Սիւնեաց («Իշխանութեան պա-րոն Բարձրին... և ի յարքեպիսկոպոսութեան մերոյ տէր Սարգիս»):

1337 թվականից առաջ եղել է Երուսաղեմում, ուր ստացել է մի Սաղմոսա-րան (Երուսաղեմ, ձեռագիր № 1033), որի հիշատակարանում ուշագրավ արվ-յալներ է հաղորդում իր ազգականների մասին: Նույն 1337 թվականին ստացել է նաև Մանրուսման մի ձեռագիր, որի հիշատակարանում կոչված է «Մեծ և ամենեքանիկ մեաբալալիս և արհիական զլուսին աչսմ (Սիւնեաց) նահանգիս տէր Սարգիս»⁴¹:

Սրա աթոռակիցն է եղել ոմն տեր Ներսիս. պահպանվել է Սարգսի ու Ներ-սիսի մանրանկար համատեղ պատկերը՝ 1337 թվականից («Միսական», էջ 20): Այդ տարիքվից հետո յաթանապոսեանյա անջրպետ կա, որ Ղ. Ալիշանը դատարկ է թողել՝ բազմակետեր գնելով, իսկ Արտակ եպօ. Սմբատյանն ու Նորայր եպօ. Պողարյանը լրացրել են Հովհան Որոտնեցու, Գրիգոր Տաթևացու և Առաքել Մյունեցու անուններով: Սակայն Սարգիս մեաբալալիս և Հովհան Որոտնեցին շարունակական շղթա չեն կազմում, շուրջ 40-ամյա անորոշ ժամանակաշրջա-նով նրանք անջատված են միմյանցից ն. Պողարյանի ցանկում:

Ահա այդ տարիների մի մասը պիտք է առլ Ստեփանոս-Սուլթանշահ եպիս-կոպոսին:

Ստեփանոս-Սուլթանշահ—Սրա ինքնագիր հիշատակարանի հետ, շարա-դրված շուրջ 1366 թ., ծանոթացանք Բարձրիւյան պալատականների տոհմագրու-թյան բաժնում: Վերհիշենք այստեղ, որ նա ներկայանում է որպէս «տէր Ստե-փանոս մականուն Սուրխանշահ»: Այս մականունը հնարավորութուն է ընձե-ռում նույնացնելու այս տեր Ստեփանոսին՝ «Տաղ տէր Ստեփանոսին Սիւնեաց եպիսկոպոսին» պոեմի նահատակ հերոսի հետ⁴²: Պոեմի ավյալներով Մյունյաց այս եպիսկոպոսը, մինչև հոգևոր կոչում ընդունելը, եղել է Թավրիզում՝ զին-վորական ծառայության մեջ: Ինչ-ինչ պատճառներով սպանել է իր խորթ մորը՝ էլիսութլուին, պժտվել հոր հետ:

Ստեփանոսի աշխարհական անունն ի հայտ է գալիս այն առդերից, որ պրել է պոեմի հեղինակը որդեկարույս մոր բերանին. սա ողբում է վաղաթա-ռամ իր սրբուն՝ կոչելով. «Որդեակ իմ, որդեակ, Սուլթանշալ» (տպագրված է

⁴¹ Dr. N. Karamianz, Verzeichniss Armenischen Handschriften, Berlin, 1888, էջ 26.

⁴² Թերի պահպանված այս պոեմը Աս. Մնացականյանի աշխատասիրությամբ հրատարակվել է «Բանբերի» նախորդ հատորում («Բանբեր Մատենադարանի», № 8, 1967, էջ 291—317): Պոեմին անդրադարձել է նաև Պ. Խաչատրյանը («Պատմա-բանասիրական հանդես», 1965 թ., № 2, էջ 197—204): Պոեմի հերոսին նույնացնելով Իվանե Բարձրիւյանի որդի Ստեփանոս-Սուլ-թանշահի հետ, հնարավորություն ենք տալու ընկալելու ուշագրավ այդ ստեղծագործության շարժառիթը հանդիսացող ողբերգական դեպքերի մոմանակի, միշտվալրի ու դարձող անձանց հետ անընթաց զինելի հարցերը՝ նոր լուսաբանությամբ:

«խալ՝ «սաւլթան» և «շահ» ձևով, որպէս տաանձին բառեր): Նահապետութեան տարեթիվը չգիտենք, բայց պետք է նշանակենք լինի 1466-ից հետո և 1477-ից առաջ: Մեծ հավանականութեամբ նա թաղված է Վալոյ ձորի Հերմոնի վանքում. այնտեղ հանդիպել նշանավոր անձինք հիշատակված են 1423 թ. մի ձեռագրի մեջ՝ այսպէս. «Աստ (ի վանս Հերմոնի) հանգուցեալ կան Տիրաւոր վարդապետն, Գրիգոր վարդապետն, Բարսեղ վարդապետն, աէր Սուրանշէն...» (ԺԵ, I, 301):

Հովհան Որոտնեցի, Կախիկ մականունով—Ծնվել է 1313 թվականին, Որոտան գավառի Վաղագին գյուղում: Որդին է մեղ ժանոթ Իվանի իշխանի, որին Մեծօփեցին համարում է «ի դարմէ առաջին իշխանացն Միւսեաց, յորմէ Վառակն էր»: 1337 թվականին Որոտնեցին նորընծա քահանա էր, որ «մեծ ջանքս և սիրով չիմաստս բանի գեղերի՝ զպատուականսն ի սուրբ մատենաց սրճաւով» (Նրուտաղեմ, ձեռ. № 1033, էջ 61): Սովորել է Գլաձորի ու Հերմոնի վանքերում՝ աշակերտելով Եսայի Նշեցուն և Տիրաւոր վարդապետին, եղել է Մարագալում⁴³, Տփղիսում, Գարանաղյանց գավառում, Նրուտաղեմում, Գողթան գավառի Սինեական անապատում, Վաղագին վանքում, Մարում, ի վերջո՝ Նրնջակի Ապրակունչաց վանքում, ուր և մահացել ու թաղվել է 1386 թվականին: Տաթևի վանքում համարւորան է հիմնել 1373 թ., անհաշտ պալքար է ծաղակել կաթոլիկ քարոզիչների ու նրանց հարած հայտնիքոսների դեմ: 1379 թ. Ապրակունչաց վանքը մաքրել է կաթոլիկներից, զպրոց է հիմնել նաև այդտեղ, իր աշակերտ Գր. Տաթևացուն կարգելով գեկավար: Մի-երկու տարի անց կրկին վերադարձել է Տաթև, ուր շարունակել է մանկավարժական գործունեությունը, ունկնդիր ունենալով 60 ուսանող: Ժամանակակիցներից, մասնավորապէս Տաթևացու կողմից մեծարված է «մեծ վարժապետ», «տիեզերալսյս բարունապետ», «սասունածարեալ բարունապետ» և այլ տիտղոսներով (տե՛ս ԺԴ, 497, 498, 501, 507, 514, 556), և միայն մեկ անգամ 1386 թ.՝ «տիեզերահամբաւ և երանաշնորհ բարունապետ Հայաստանեաց և վերադիտող տէր Յովհան Որոտնեցի» (ԺԴ, 560): «Վերադիտող» բառացի նշանակում է եպիսկոպոս, ուստի վիճելի կամ ինչ-որ առթիւների համար միայն ստույգ պետք է համարել Հ. Աճառչանի հաղորդած տվյալը, ըստ որի «հրովիրվեց Սյունյաց առաջնորդական աթոռը, բայց նա մերժեց»⁴⁴: Որ կյանքի վերջին տարիներին Հովհան Որոտնեցին տաանձնել էր Սյունյաց թեմի գեկավարությունը, երևում է նրա աշակերտներից մեկի՝ Հակոբ կրօնավորի բովանդակալից հիշատակարանից. այնտեղ ստված է, որ խառնափնելով օտար դավթիչներից (որոնք ներխուժել էին Սյունիք, զրաղել Որոտան բերդն ու ցանկանում էին ձերբակալել նաև Որոտնեցուն «վասն հայրենեացն ժառանգութեան»), նա փախուստ է առել ու աղաավում: Իսկ ապա՝ կրկին վերադառնում «ի վերայ վանորէից իւրոց, ի գաւառն Նրնջակայ», և որոշ ժամանակ խաղաղ կյանք վարում. «Շինէր և հաստատէր զսուրբ

⁴³ Հ. Որոտնեցու Մարագա գնացած լինելու մասին վկայություն է պահպանվել Թովմա Մեծօփեցու թերի վիճակում պահպանված մի հիշատակագրության մեջ: Ինչ-որ աշխատություն սրբադրելու կատարելությամբ նա առում է, որ այդ ձեռագիրը «բերու ի Մարագա քաղաքն ձեռամբ Յովանէս զրագրի՝ աշակերտի մեծին Տիրաւոր» (Մ. Տիր-Ավետիսյան, Ձեռագիրք նախադիպելի վանաց Գարաշամրի Ս. Ստեփանոսի, որ ի Գողթն, 1904 թ., ձեռագիր № 54): Որոտնեցին Մարագա էր գնացել, հավանաբար, այնտեղ հաստատված կաթոլիկ միաբնակ Բարթոլոմեոս Բոլսեիացու հետ ժանոթանալու ելքուցն, նրա դատախազություններն ունկնդրելու նպատակով:

⁴⁴ «Հարց տե՛նեանունների բառարան», Գ, էջ 626:

«Լեկեղեցիս շրեզ և փառաւոր ի մէջ տնօրէն իշխանաց և բերթաւագաց» (ԺԴ, 560):

Այս անուղակի տվյալները հաշոււմ են, որ Հովհան Բրտանեցին, եթէ նույն-
խակ չի օժգել պաշտօնապէս Սյունյաց եպիսկոպոս, ապա փառաւորն իր կյան-
քի վերջին տարիներին վարել է այդ պաշտօնը:

Գրեգոր Տաթևացի — Խաթիւնշահ մականունով: Հայրը՝ Ամիր Սարգիս՝ Բաշ-
բերունյաց նահանգից էր, մայրը՝ Մարիամ՝ Փարպի գյուղից: Մնւել է շուրջ
1344 թ. վառատանի Թմարի բերդափանում, և պատանեկությանը անցկացրել
աթուղ՝ Կարս խնամակալության ներքո (ԺԵ, I, 103): 1370 կամ 1371 թվա-
կանին Հովհան Բրտանեցին, նրաւաղիմ գնալու նախօրեին, տեսնելով պատա-
նի Խաթիւնշահի առաջադիմութիւնը «յամենայն ստանան», վերցնում է նրան
իր մօտ աշակերտ, տանում Երուսաղեմ և, դարձի ճանապարհին, Գարանաղ-
յաց դավաճում ձեռնադրում վարդապետ (Համանարար 1373 թվականին):

Հովհան Բրտանեցու մահվանից մի քանի տարի հետո, Համանարար
1393-ին, Աղբակաւոսից տեղափոխվել է Տաթևի վանք ու ստանձնել Սյունյաց
գաղութի գեղափարութիւնը: Այս տարիներին է Տաթևի Համալսարանն ապրել
իր ամենածաղկուն շրջանը, որ տեղ է շուրջ 15 տարի: Տաթևում եղած
տարիներին՝ մինչև 1408 թ., երբ նա «վասն իւր ինչ պառճառի» (ԺԵ, I, 93)
ստիպված էր իր գաղութը տեղափոխել Մեծոփա վանք, Գրիգոր Տաթևացին
միաժամանակ (Համանարար տեղապահի հանգամանքներով) գեղափարել է
Սյունյաց տիպար: XIV դարի վերջերին և, մանավանդ, XV դարի սկզբներին
Տաթևի վանքում շարադրված մի շարք հիշատակարանների ալն հասկածում,
որք ըստ սովորույթի պետք է հիշատակվէր տեղի եպիսկոպոսը, դանում ենք
միայն Գրիգոր Տաթևացու անունը, որպէս «բաշ հոնտար և բանիրուն վար-
դապետ», «ամեներջանիկ պիտապետ Հայոց», «[առաջնորդ] տանս Սիւնեաց» և
այլն (տե՛ս ԺԵ, I, էջ 34, 60, 77): Շատ ավելի ուշադրով են Հովհաննես գրչի
հազարդած տվյալները, վերջինս 1407 թվականին Տաթևում ձեռագիր էր քնդ-
արինական «ի տեղապահութեան յաթոպա... վարժապետին Գրիգորի» (ԺԵ,
I, 81). նույն թվականի մեկ ուրիշ հիշատակարանում նույն գրիչը հայտնում է,
որ «վարդապետն մեր Գրիգոր... հակի լաթոս վարդապետութեան և աթոռա-
կալութեան Սիւնեաց վիճակիս» (ԺԵ, I, 82):

Առաւել Սյունեցի — Այս նույն տարիներին, Սյունիքում եպիսկոպոս էր
նաև Գր. Տաթևացու քեռորդի Առաքել Սյունեցին (հայրն է Դավիթ, մայրը՝
Մելիք):

Իր «Փարսպրքի» հիշատակարանում Տաթևացին նրա մասին գրում է.

«Նախ քեռորդայն իմ ըստ մարմնի
Մեքեղամիս երգարանի՝
Առաքելոյ առաքինի,
Եւ Սիւնական զլուխ ուրհի» (ԺԵ, I, 73):

Առաքելն իրեն «Տէր Առաքել» է կոչում 1401 և 1403 թվականներին շարա-
դրած «Աղամգրքի» հիշատակարաններում, ուստի եպիսկոպոս էր այդ թվա-
կաններից առաջ: Վերջին անգամ նրա մասին, որպէս կենդանի անձնաւորու-
թյան տեղեկութիւն է գրանցված 1422 թվականին Անգեղակոթ գյուղում շա-
րադրած ինքնագիր հիշատակարանում, որ նա ներկայանում է որպէս «Տէր Ա-
ռաքել Սիւնեաց», (ԺԵ, I, 292):

1425 թվականին արդեն մեռած էր (ԺԵ, I, 336)⁴⁵: Ղ. Ալիշանը Առաքելին Սյունյաց եպիսկոպոս է համարում 1407—1422 թվականների միջոցին, Ն. Պողարյանը՝ 1407—1416 թվականներն է նշում, Մ. Պատուրյանը և նրան հետևող Ն. Տեր Ներսեսյանը՝ 1401 կամ 1403-ից են սկսում նրա եպիսկոպոսության տարիները⁴⁶:

Գր. Տաթևացու և Առաքել Սյունեցու մասին ներկայացված ավյալներից կարելի է եզրակացնել, որ մինչև 1407 թվականը Սյունյաց մեարտադրատեղիան գեղը գտնվում էր Տաթևացու ձեռքում: Նախորդ շարադրանքից գիտենք արդեն, որ Սյունյաց եպիսկոպոսները իրենց կենդանության օրոք հաճախ ունենում էին նաև փոխանորդ եպիսկոպոսներ, ուստի Առաքելը անձնիշխան Սյունյաց եպիսկոպոս կարող էր լինել միայն Գր. Տաթևացու Մեծփա վանք մեկնելուց (1408 թ.) հետո: Իսկ մինչև ո՞ր թվականը, այս հարցին սրտալի պատասխան տալու համար ստույգ ավյալներ չունենք, սակայն կարելի է մտածենալ ձշմարտությանը՝ Ժանոթանալով հաջորդ եպիսկոպոսի՝ Ստեփանոս-Իվանի կյանքի տարեդրությունը:

Ստեփանոս—Իվանն եպիսկոպոսը, ինչպես առել ենք Բուրթելյան պալագատների տոհմագրությունը նվիրված էջերում, Սմբատ Բուրթելյանի որդին էր, 1406-ին՝ գեղեա աշխարհական: 1410 թվականին, երբ Կարա-Յուսուֆը գրավեց Բուրթելյանների կալվածքները, սրա հայր Սմբատն ու եղբայր Բեշքենը զաղթեցին Վրաստան: Իվանի-Ստեփանոսը նրանց հետ ընկ: Նա, ըստ երևույթին, մնաց Սյունիքում և հոգևոր կոչում քնդանելով՝ կոչվեց «Տէր Ստեփանոս մականուն Իւանէ»: Որպես «հայրապետ Սյունյաց նահանգի» կամ «առաջնորդ տանս Սիսականայ» նա հիշատակված է 1419 թվականին Հերմանի վանքում և 1421 թ. Տաթևում շարադրված հիշատակարաններում: 1421 թվականին մեկնել էր Վրաստան իր մոր մոտ, այնտեղ էլ կնքել է իր մահկանացուն (ԺԵ, I, 258, 292):

Այս Ստեփանոսից հետո Սյունյաց մեարտադրատեղիան անցավ, որ գարեր շարունակ հոգևոր իր իշխանության տակ էր պահում Սյունյաց աշխարհի 12 պաժառները, փեղկվում է տարբեր մասերի:

Սյունիքի տարբեր գավառների՝ Վալաց ձորի, Ծղուկի, Գողթան վանական հաստատություններում շարադրված հիշատակարանները տեղեկություններ են հաղորդում հաճախ նույն տարիներին կամ տասնամյակներին եպիսկոպոս նշանակված անձնավորությունների մասին: Ուստի սխալ կլիներ միահյուս շարահարությունը կազմել Սյունյաց թեմի առաջնորդների գավազանագիրքը XV դարի 20-ական թվականներից հետո: Նույնիսկ այն դեպքերում, երբ ժամանակակիցների կողմից այս կամ այն հոգևոր առաջնորդը, հին ավանդույթի ուժով մեծարված է «Սյունյաց եպիսկոպոս» քարձը կոչվումով, վստահաբար չենք կա-

⁴⁵ Առաքել Սյունեցու մասին առկա շատ սուղ կենսագրական ավյալները պետք է լրացնել 1407 թ. ուշագրավ մի հիշատակարանով, որ շարադրել է նա իր իսկ նկարագրագրած ամետարանի մեջ: Նախ պարզվում է, որ Առաքելը եղել է նաև ծաղկող և աղա հայտնի գտնում, որ նրա ավագ եղբայր Բարսեղ քահանան, 1393-ին, մեկնած է եղել Կիլիկիա՝ կաթողիկոսի մոտ (դուցն է եպիսկոպոս ձեռնադրվելու), բայց գարձի հանապարհին օպանվել է անօրենների կողմից: Առաքելը իր եղբոր մասունքները գտնելու համար 7 ամիս շրջել է «յերկրէ յերկիր, քաղում աշխատութեամբ», ի վերջո ալլոց օգնությանը մարմինը գտել է Եղջախոս կոչվող տարում, տեղափոխել Սյունիք ու ամփոփել Վաղագնի վանքում (ԺԵ, I, 502):

⁴⁶ Առաքել Սիսեկի, Դրախաղիքը, հրատարակեց Զ. Ներսես Տեր Ներսեսյան, Վենետիկ, 1956, էջ 54:

բող հաժաարել, թե նա իրաք եղել է ողջ Սյունյաց աշխարհի հոգևոր առաջնորդը:

1424—1425 թթ. Տաթևի վանքում հիշատակվում է «մեծ քարունապետ և տիրադերաշույս վարդապետ» Մխիթարը (ԺԵ, I, 319, 338):

1428 թ. ոմն Պետրոս արքեպիսկոպոս Եղեղեցի իրեն կոչում է «վերագիտող աշում (Եղեղեա՛ց) նահանգի» (ԺԵ, I, 332):

Բաղմիցս հիշատակվում է Հերմոնի զպրոցի քարունապետ Հովհաննես Կուլտիկը, որը մեծ հեղինակություն ունեցող եկեղեցական էր:

1475-1484 թվականներին Վայոց ձորի Բոլորարերդ տնասյատում և Արկղունքում բանիցս հիշատակվում է մի այլ Հովհաննես արքեպիսկոպոս, որպես հոգևոր առաջնորդ «աշում նահանգի», կամ «յալսմ գաւառի» (ԺԵ, II, 375, 400, 427, ԺԵ, III, 27, 55):

Գողթան գավառում 1477 թ. արքեպիսկոպոս է հիշվում ոմն տեր Սիմոն (ԺԵ, II, 420), իսկ 1489 թ.՝ տեր Աղարիան (ԺԵ, III, 129):

Այս ցանկը կարելի է կրկնապատկել, սակայն մեզ հետաքրքրող հարցի համար ուշադրով են հատկապես հոգևոր այն առաջնորդները, որոնք գրավել են Սյունյաց գլխավոր եպիսկոպոսանիսա՝ Տաթևի աթոռը, և, մասնավորապես, այն գործիչները, որոնք Բուրժեյան գերդաստանի պայազատներ են:

Այս առումով քսա ժամանակի Ստեփանոս-Իվանից հետո ուշադրության արժանի գործիչ է Շմավոն Անգեղակոթցին (հայրն է Խաչատուր, մայրը՝ Աղուա): Շմավոնին առաջին անգամ հանդիպում ենք 1437 թվականին Սանահնի վանքում շարադրված մեծարժեք հիշատակարանում, որը տեղեկություն է հաղորդում իշխան Բեշքենի ու նրա Ռուստամ որդու Սյունիքից արտադաղթելու և վրաստանում հաստատվելու մասին:

Շմավոնն աշատեղ կոչվում է «Տրանաշնորհ և երշանիկ քարունի՝ առաջնորդ և վերագիտող առաքելական աթոռոյն Սիւնեաց» (ԺԵ, I, 470):

Ռուստամ Բուրժեյան նշանավոր իշխանը 1451 թ. այս Շմավոնի անունով Տաթևի վանքին վաճառում է 4 գյուղեր:

1459 թ. շարադրված մի քանի հիշատակարաններում Շմավոնը իրեն կոչում է քարունապետ և հայտնում, որ Շամախի ու Շամքան քաղաքներում ձեռք է բերել ձեռագրեր ի վայելումն իր եղբորորդի Ստեփանոս արքեպիսկոպոսի: Գրվածական խոսքեր են գրանցված Շմավոնի մասին Ստ. Օրբելյանի «Պատմության» վերջում որպես հավելված հրատարակված «Շարակարգութիւն եպիսկոպոսաց Սիւնեաց» ցանկի մեջ: Այնտեղ ասված է, որ «Տէր Սիմէոն (իմա՝ Շմաւոն) եպիսկոպոսն Անգեղակոթցի... լոյժ շանակուռ եղև վասն շինութեան և պայծառութեան սրբոյ աթոռոյս: Եւ զի տաճիկը բռնութեամբ լափշտակեալ էին զբաղում անգս և անդաստանս սրբոյ աթոռոյս, առ... վերստին սեփակեալ է սրբոյ տանս զխիցեալսն զամենայն»: Ասված է նաև, որ այդ պատճառով մահմեդականները թշնամացել են նրա դեմ ու սպանել⁴⁷, բայց այդ տվյալը հավաստող ժամանակակից որեէ վկայություն չի պահպանվել:

1471 թ. Տաթևի վանքում ընդօրինակված մի ձեռագրի հիշատակարանում ասված է. «Ի լառաջնորդութեան Շմաւոն վարդապետի և Ստեփանոս արքեպիսկոպոսի», ըստի Շմավոնը 1471-ին դեռ ապրում էր, հավանաբար մահացել է մեկ-երկու տարի հետո:

⁴⁷ Ստ. Օրբելյան, Պատմութիւն նահանգին Սիւնեան, Թիֆլիս, 1919, էջ 525:

Ստեփանոս արքեպիսկոպոս—Շմափոնի հղբորոքյին է։ Սառչին տնգամ հիշված է Թ. Մեծափեցու կողմից որպես 1441 թ. էջմիածնի ժողովի մասնակիցներից մեկը. «Տէր Ստեփանոս տեղապահ Սիւնեաց աթոռայն ի յազատաց»⁴⁸։

1459 թ. Շմափոնը իր հղբորոքում կոչում է արդեն «եպիսկոպոս Եւստաթէի սուրբ առաքելոյս», կամ «Տէր Ստեփանոս արքեպիսկոպոս Սիւնեաց նահանգէ» (ԺԾ, 11, 123, 124)։

1478 թվականին Աղ-Կոյունլուների նշանավոր զորահրամանատար, աթաբեկ Մուֆի-Խալիլը բանտարկեց Ստեփանոս արքեպիսկոպոսին և բանադատեց. քննունել մահմեդականության 5 տարի շարունակ, անտույզի խոշտանգումների դիմանալով, առկաց Ստեփանոսը, ի վերջո ազատվեց բանտարկությունից, վերադարձավ Տաթևի վանք, գնաց Երուսաղեմ ախար և վերադարձին՝ 1485 թվականին վախճանվեց⁴⁹։

Ստեփանոսի անմիջական հաջորդը, հափանարար, եղել է Շմափոն Բ. եպիսկոպոսը⁵⁰։ Հիշված է 1508 թվականին։ Մի քանի տարի հետո՝ 1513 թ. Գեղարքունյաց մելիքները ստորագրեցին պարամփրադիր իրենց ենթակա գյուղերը վերստին Տաթևի վանքի հոգևոր իշխանությանը ենթակա դարձնելու մասին։ Պարամփրադրի մեջ ասված է. «Թիպն ՋնԲ. (1513) էր, մեր Գեղարքունոյ մելիք ու տանուէրքս եկաչք ի սուրբ յախոս Ըստաթէի Սիւնեաց ԲԺ-ն գտառ, ևս տօռել երկրին մեր Գեղամաչ, որ ճշմարիտ երկիրն մեր Գեղարքունի թեմ և վիճակ է սուրբ առաքելոցս Ըստաթէի... Յախա և զաշինք զրինք սուրբ առաքելոցս և առաջի եպիսկոպոսացս՝ Շմառն եպիսկոպոսի և տէր Ստեփանոսի և Մարտիրոս փականկալի և տէր Ղուկաս հայրապետին և այլ միտքաւորսն՝ մեծի և փոքու...»⁵¹։

Այս Շմափոնի և նրան հաջորդող եպիսկոպոսների աթոռակալության ժամանակաշրջանը դարս է մնում մեր հետաքրքրության շրջանակից։

XIV—XV դարերի Սյունյաց եպիսկոպոսների հաջորդական ժամանակագրությունը փակելուց սուտը անհրաժեշտ է անդրադառնալ նաև երկու այլ հոգևոր պետերի, որոնք մերված են Բուրթելյան տոհմից։

Ղ. Ալիշանի «Արամեանից» վերը մեջբերված «եպիսկոպոսունք Սիւնեաց ցանկի մեջ, 1464 թվականի տակ, կարդում ենք՝ «Ստեփանոս միւս, որդի Բուանէի Որոտնեցոյ»։ Նույն այս անձնավորության մասին Ալիշանը հաջանում է նաև աշտպիսի մի տվյալ. «Յիշի գրեաթէ և ի կէս ԺԵ դարու (1447) Տէր Ստեփանոս եպիսկոպոս Սիւնեաց որդի Բուանէի՝ տեառն Որոտան, հարկ է արիչ ի նախորդէն (իմա՝ Ստեփանոս—Բուանէի, որդույ Սմբատայ—է. Խ.), զի նա մեծացածի 1422 (ուղղելի է՝ 1421—Վ. Խ.), բայց այս Բուանէ որս՝ չ որդի և գիտրդ էր տակաւին տէր Որոտան, ոչ գիտեմ»⁵²։

48 Թ. Մեծափեցի, Յիշատակարան, էջ Ա։

49 Հայոց նոր վկաները, գիտական հրատարակություն, էջ 313—319։

50 Մի ափսոսարան վաճառելու մասին 1491 թ. շարադրված գրության տակ պահպանվել է իրեն «տէր Մարգիս եպիսկոպոս Տաղեացի» կոչով բարձրաստիճան մի եկեղեցականի ստորագրությունը (ԺԾ, 111, 172), սակայն հիմք չունենք այդ Մարգիսի Սյունյաց եպիսկոպոս համարելու։ Նա իրեն նույնիսկ չի կոչում Տաթևի Եպիսկոպոս, այլ՝ Տաթևացի եպիսկոպոս։

51 «Քանքեր Մատենագարանի», 8, էջ 192։

52 «Արամեան», էջ 218։

Եվ իրոր, այս տեղեկությունների մեջ, որոնց սկզբնաղբյուրը հայանի չէ, կրան ստուգման ու բացատրութեան կարոտ տեղիներ: Նախ, ինչո՞ւ Ալիշանը ցանկի մեջ այս Ստեփանոսին եպիսկոպոս է համարել 1464, իսկ նույն աշխատութեան մի այլ բաժնում՝ 1447 թվականին: Եթե նրան հայանի էին երկու տարրեր արքայունք, ինչո՞ւ է նա գլացել ցանկի մեջ 1464-ից առաջ նշելու 1447 թվականը, և, հակառակը, 218-րդ էջի մեր կողմից մեջբերված հատվածում չի հիշեցրել, որ այդ նույն Ստեփանոսի մասին տեղեկութուն ունի նաև 1464 թվականից: Այս հարցերին պատասխանել կարելի է միայն Ալիշանի դիմանք ուսումնասիրելուց հետո. թերևս պարզվի, որ այդ ամբողջությամբ բաղված են անստույգ արդյունքներից (որ բացատրված չէ): Ո՞վ էր այս Ստեփանոս եպիսկոպոսի հայր Իվանեն և ինչպե՞ս կարող էր նա XV դարի կեսերին կոչվել «աէր Որոտան», այս հարցը հուզել է Ալիշանին. պատասխանը եղել է՝ «սչ գիտեմ»: Կարելի է երկու ենթադրութուն անել. կամ առաջադրված թվականները (1447, 1464) մեկ հարցուրածյակով պետք է ես տարվեն ու արքայրվեն 1347, 1364, այդ դեպքում այս Ստեփանոսը կնույնանա մեզ արդեն ծանոթ Ստեփանոս-Սուլթանշահ եպիսկոպոսի հետ, որ իրոր Իվանե Բարթեղյանի որդին էր: Կամ էլ պետք է ենթադրել, որ Սմբատ Բարթեղյանի որդի Ստեփանոս-Իվանե եպիսկոպոսը, որ մինչև հոգևոր կոչումն ընդունելը ամուսնացած է եղել և հայրն է Սմբատ անունով մի իշխանի, ունեցել է նաև մի այլ որդի, որ հետագայում ընդունել է հոգևոր կոչում՝ Ստեփանոս անունով: Եթե հաստատվի այս վարկածը, ապա պետք է կարծել, որ նրա հայր Իվանեն (հետագայում Ստեփանոս եպիսկոպոս), ինչ-որ կարճատև ժամանակ Որոտանի տեր է եղել, կամ աղգրեա է կոչվել ամանդույթով (Որոտանի տեր էր, իրոր, նրա հայրը՝ Սմբատ իշխանը):

Այսպիսով 1447 կամ 1464 թվականներին Իվանեի որդի Ստեփանոս Սյունյաց եպիսկոպոսի գոյությունը երկբայական է:

Գործուն Բարթեղյանի որդի Տարասայիճին նվիրված հատվածում արդեն տեսել ենք, որ Տարասայիճի թոռ, Սմբատի որդի Եղիշեն՝ XV դարի վերջերին, եղել է արքեպիսկոպոս: Նրա մասին տեղեկություններ են պահպանվել 1490 թ. Վերին Նորափանքում և 1495—1496 թթ. Եղեպիսում շարադրված հիշատակարաններում. այսպես, «չարհեպիսկոպոսութեան մեռլս նահանգի տէր Եղիշէի՝ յաղգէ Բարթեղյանց» (ԺՆ, III, 147) և «վերադիտող այսմ նահանգի պարոնտէր Եղիշա արքեպիսկոպոսի» (ԺՆ, III, 213, նաև 229): Ըստ այդմ Եղիշեի հոգևոր իշխանութեան սահմանները սահմանափակվել են Եղեգնաձորի շրջանակներով, ուստի նրա անունը պետք է դուրս հանել Սյունյաց եպիսկոպոսների գավազանացանկից:

Վերը մեջբերված ամբողջությամբ հնարավորութուն են ընձեռում կազմելու XIV—XV դարերում ամստակալած Սյունյաց եպիսկոպոսների ճշգրտված ու ստուգված ցանկը, որ առկա ենք ստորև, յուրաքանչյուր եպիսկոպոսի գիմաց նշելով նրա ամբողջակալութեան ժայռային թվականները՝ եթե հայանի են, կամ այն տարեթվերը, որ հիշատակված են նրանց կապակցութեամբ ժամանակակից արդյունքներում:

ՅԱՆԿ ՍՅՈՒՆՅԱՑ ԵՊԻՍԿՈՍՈՍՅՆԵՐԻ

(XIV—XV դարեր)

1. Ստեփանոս Օրբելյան, որդի Տարսաչիճի—1286—1303 թթ.:
2. Հովհաննես Օրբել, որդի Լիպարիտ Օրբելյանի—1302—1323 թթ.:
3. Ստեփանոս—Տարսաչիճ, որդի Ջալալ Օրբելյանի—որպես աթոռակալ Սյունյաց հիշված 1314—1323 թթ., որպես մեաբուպոլիտ՝ 1331 թ.:
4. Սահգիս, որդի Որստան իշխան Հասանի, հղբարի Իվանի (Սյունիքի հին իշխանական տան սերնդից)—Վաղագիսի վանահայր 1326 թ., մեաբուպոլիտ՝ 1333—1337 թթ. (հիշված է վերջին անգամ):
5. Ստեփանոս—Սուլթանշան, որդի Իվանի (Նանիկ) Բուրբեկյանի—հիշված շուրջ 1366 թ.:
6. Հովհան Որսանեցի, որդի Իվանի Որսանեցու, հղբարի Սարգիս մեաբուպոլիտ—մ.՝ 1386 թ.:
7. Գրիգոր Տարևացի, որդի ամիր Սարգսի—1386—1408 թթ.:
8. Առաֆել Սիւնեցի, որդի Դավթի, բևորդի Գր. Տաթևացու—եպիսկոպոս էր 1401-ից, Սյունյաց մեաբուպոլիտ 1408⁶⁰—1410⁷ թթ.:
9. Ստեփանոս—Իվանի, որդի Սմբատ Բուրբեկյանի—1410⁷—1421 թթ.:
10. Շմավոն Անգեղակոթցի, որդի Խաչատուրի—հիշված 1437—1471 թթ.:
11. Ստեփանոս Եպիսկոպոս, Շմավոնի հղբարիդին, «ի յաղատաց»—հիշված 1441-ից որպես «տեղապահ Սիւնեաց», եպիսկոպոս 1471⁷—1485 թթ.:
12. Շմավոն Բ.—հիշված 1508—1513 թթ.:

Սյունյաց 12 աչա եպիսկոպոսներից 5-ը Օրբելյան-Բուրբեկյան գերդաստանի պարսնաերեր են՝ (Ստեփանոս Օրբելյան, Հովհաննես-Օրբել, Ստեփանոս-Տարսաչիճ, Ստեփանոս-Սուլթանշահ, Ստեփանոս-Իվանի): Ուշադրով է, որ Հովհաննես-Օրբելից բացի, բոլորն էլ հսկանք կոչումն ընդունելով՝ Ստեփանոս անուն են ժառանգել, բայց պահել են նաև իրենց աշխարհական անունները: Եպիսկոպոսներից երկուսը (Սարգիս և Հավհան Որսանեցի) սերվում են Սյունյաց հին իշխանների գերդաստանից, որոնք մինչև XIV դարի առաջին տասնամյակները գեղեց տերն էին Որստանի: Ըստ երևույթին ազգակցական կապերով շաղկապված մի փունջ են կազմում նաև մյուս 5 եպիսկոպոսները, սկսած Գր. Տաթևացուց, մինչև Շմավոն Բ (Առաֆել Սյունեցին Տաթևացու բևորդին է, Շմավոն Անգեղակոթցին ևս Առաֆելի ազգականներից պետք է լինի):

Л. С. ХАЧИКЯН

БУРТЕЛЯНОВСКАЯ ВЕТВЬ СЮНИЙСКИХ ОРБЕЛЯНОВ

(Р е з ю м е)

Автор статьи на основе имеющихся рукописных и эпиграфических данных уточняет генеалогическое древо князей Буртелянов, одного из

последних крупных феодальных родов средневековой Армении, и впервые дает полную родословную этого рода. Буртеяны, правившие Сюником в XIV—XV веках, сыграли видную роль в политической и культурной жизни Восточной Армении. Уточнение родословной этого княжеского рода важно с точки зрения исследования истории Сюника, сохранившего в условиях тюрко-монгольского владычества полунезависимое существование.

Значительное место в статье уделяется также преемству епископов-митрополитов Сюника, тесно связанных с родом Орбелянов-Буртеянов. Автор уточняет и восполняет список митрополитов, правивших Сюникской епархией на протяжении двух веков.

L. S. KHATCHIKIAN

LA BRANCHE DES BOURTELIAN DE LA FAMILLE DES ORBELIAN DE SIOUNIE

Matériaux manuscrits et données épigraphiques ont permis à l'auteur de l'article d'apporter des précisions à l'arbre généalogique des princes Bourtelian qui furent l'une des dernières grandes familles féodales de l'Arménie médiévale, et de présenter pour la première fois un tableau généalogique complet de cette famille. Les Bourtelian qui gouvernèrent en Siounie aux XIV^e et XV^e siècles jouèrent un rôle prédominant dans la vie politique et culturelle de l'Arménie orientale. Les précisions mentionnées sont surtout importantes du point de vue des recherches historiques concernant la Siounie qui mena, lors de la domination turco-mongole, une existence semi-indépendante.

L'auteur se consacre de même longuement aux évêques-métropolitains qui se succédèrent à la tête de l'évêché de Siounie au XIV^e et au XV^e siècles tout en entretenant d'étroits rapports avec la famille des Orbélian-Bourtelian, et dont il nous précise et complète la liste.

